

PL
2517

Y78
1699

v. 2



王堂才調集

微 一百三十六首

沈佺期 一首

劉憲 一首

李邕 一首

庾光先 一首

王維 一首

高適 一首

李頎 一首

岑參 二首

劉方平 一首

張志和 一首

李白 一首

杜甫 二首

劉長卿 六首

錢起 一首

秦系 一首

李嘉祐 一首

韓翃 一首

皇甫冉 一首

盧綸 一首

司空曙 三首

崔尚 一首

李端 一首

王建 一首

戴叔倫 一首

權德輿 一首

劉禹錫 三首

張籍 一首

白居易 四首

張祐 一首

姚合 三首

章孝標 一首

周賀 二首

李商隱 四首

溫庭筠 二首

杜牧 一首

許渾 八首

馮 三首

薛逢 一首

馮 一首

劉滄 七首

斯 三首

曹鄴 一首

顯 一首

方干 六首

日休 六首

陸龜蒙 二首

洞 二首

鄭谷 一首

鴈 一首

蘇廣文 一首

融 二首

韓偓 二首

莊 十二首

黃滔 二首

隱 六首

羅鄴 二首

言
寅
一首

李建勲
一首

然
一首

崔仲容
一首

玄機
一首

韓翃
一首

風
一首

韓翃
一首

風
一首

韓翃
一首

日杳
六首

劉禹錫
三首

風
一首

白居易
六首

風
一首

曹璩
一首

風
一首

陸龜蒙
十首

風
一首

韓翃
一首

玉堂才調集

微

龍池篇

沈佺期

龍池躍龍龍已飛
龍德先天天不違
池開天漢分黃道
龍向天門入紫微
邸第樓臺多氣色
君王鳬雁有光輝
爲報寰中百川水
來朝此地莫東歸

和立春日內出綵花樹

劉憲

禁苑韶年此日歸
東郊道上轉青旂
柳色梅芳何處所
風前雪裏覓芳菲
開水池內魚新躍
剪綵花前燕始飛
欲識王遊布陽氣
爲觀天藻競春輝

奉和初春幸太平公主南莊應制 李 邕

傳聞銀漢支機石復見金輿出紫微
織女橋邊烏鵲起 仙人樓上鳳皇飛
流風入座飄歌扇 瀑水當階澣舞衣
今日還同犯牛斗 乘槎共泛海潮歸

奉和劉採訪縉雲南嶺作 庾光先

百越城池枕海圻 永嘉山水復相依
懸蘿弱篠垂清淺 宿雨朝暾和翠微
鳥跡山經傳不盡 花隨月令數仍稀
幸陪謝客題詩句 誰與王孫此地歸

酬郭給事

王 維

洞門高閣霽餘暉 桃李陰陰柳絮飛
禁裏疎鐘官舍晚

省中啼鳥吏人稀
晨搖玉佩趨金殿
夕奉天書拜鎖闥
強欲從君無那老
將因臥病解朝衣

同陳畱崔司戶早春宴蓬池

高適

同官載酒出郊圻
晴日東馳雁北飛
隔岸春雲邀翰墨
傍簷垂柳報芳菲
池邊轉覺虛無盡
臺上偏宜酩酊歸
州縣徒勞那可度
後時連騎莫相違

宿瑩公禪房聞梵

李頎

花宮仙梵遠微微
月隱高城鐘漏稀
夜動霜林驚落葉
曉聞天籟發清機
蕭條已入寒空靜
颯沓仍隨秋雨飛
始覺浮生無任著
頓令心地欲皈依

西掖省卽事

岑參

西掖重雲開曙暉
北山疎雨點朝衣
千門柳色連青瑣
三殿花香入紫微
平明端笏陪鵷列
薄暮垂鞭信馬歸
官拙自悲頭白盡
不如巖下掩荆扉

和祠部王員外雪後早朝卽事

長安雪後似春歸
積素凝華連曙暉
色借玉珂迷曉騎
光添銀燭晃朝衣
西山落月臨天仗
北闕晴雲捧禁闈
聞道仙郎歌白雪
由來此曲和人稀

秋夜寄皇甫冉鄭豐

劉方平

洛陽清夜白雲歸
城裏長河列宿稀
秋後見飛千里雁

月中聞搗萬家衣長憐西雍青門道久別東吳黃鵠磯
借問客書何所寄用心不啻兩鄉違

漁父

張志和

八月九月蘆花飛南溪老人垂釣歸秋山入簾翠滴滴
野艇倚檻雲依依却把漁竿尋小逕閒梳篦髮對斜暉
翻嫌四皓曾多事出爲儲皇定是非

送賀監歸四明應制

李白

久辭榮祿遂初衣曾向長生說息機真訣自從茅氏得
恩波應許洞庭歸瑤臺含霧星辰滿仙嶠浮雲島嶼微
借問欲棲珠樹鶴何年却向帝城飛

送韓十四江東覲省

杜甫

兵戈不見老萊衣，歎息人間萬事非。
我已無家尋弟妹，君今何處訪庭闈。
黃牛峽靜灘聲轉，白馬江寒樹影稀。
此別還須各努力，故鄉猶恐未同歸。

曲江對酒

苑外江頭坐不歸，水精宮殿轉霏微。
桃花細逐楊花落，黃鳥時兼白鳥飛。
縱飲久判人共棄，懶朝真與世相違。
吏情更覺滄洲遠，老大徒傷未拂衣。

送陸澧倉曹西上

劉長卿

長安此去欲何依，先達誰當薦陸機。
日下鳳翔雙闕迥，

雪中人去二陵稀
舟從故里難移棹
家在一作寒塘獨

掩扉臨水自傷流
落久贈君空有淚沾衣

送柳使君赴袁州

宜陽出守新恩至
京口因家始願違
五柳閉門高士去
三苗按節遠人歸
月明江路聞猿斷
花暗山城見吏稀
惟有郡齋窗裏岫
朝朝空對謝玄暉

青谿口送人歸岳州

洞庭何處雁南飛
江菼蒼蒼客去稀
帆帶夕陽千里沒
天連秋水一人歸
黃花裊露開沙岸
白鳥啣魚上釣磯
岐路相逢無可贈
老年空有淚沾衣

送皇甫曾赴上都

東遊久與故人違
西去荒涼舊路微
秋草不生三逕處
行人獨向五陵歸
離心日遠如流水
回首川長共落暉
楚客豈勞傷此別
滄江欲暮自沾衣

登松江驛樓北望故園

淚盡江樓北望歸
田園已陷百重圍
平蕪萬里何一作無

人去落日千山空
鳥飛孤舟漾漾寒
潮小極浦蒼蒼遠
樹微白鷗漁父徒相待
未掃攬槍懶息機

送楊於陵歸宋汴州別業

半山溪雨帶斜暉
向水殘花映客衣
旅食嗟予當歲晚

能文似汝少年稀
新河柳色千株
離亂要知君到處
寄書須及雁南飛

送韋信愛子歸覲

萬里歸

離舟解纜到斜暉
春水東流雁北飛
才子學

棠花含笑待斑衣
稍聞江樹啼猿近
轉覺山林

借問還珠盈合浦
何如鯉也入庭闈

獻薛僕射

秦系

由來那敢議輕肥
散髮行吟自採薇
逋客未能忘野興
辟書翻遣脫荷衣
家中匹婦空相笑
池上羣鷗盡欲飛
更乞大賢容小隱
益看愚谷有光輝

題靈臺縣東山主人

李嘉祐

處處征 人漸稀 山村寥落暮烟微 門臨莽蒼經年閉
身逐嫖姚幾日歸 貧妻白髮輸殘稅 餘寇黃河未解圍
天子如今能用武 只應歲晚息兵機

送劉評事赴廣東使幕

韓翃

征南官屬似君稀 才子當今劉孝威 蠻府參軍趨傳舍
交州刺史拜行衣 前臨漲海無人過 却望衡陽少雁飛
爲報蒼梧雲影道 明年早送客帆歸

送客還江東

不妨高臥順流歸 五兩行看掃翠微 鼯鼠夜喧孤枕近

鵲鵲曉避客船飛一壺先醉桃枝簾百和初薰字布衣
君到新林江口泊吟詩應賞謝玄暉

同溫丹徒登萬歲樓

皇甫冉

高樓獨上思依依極浦遙山合翠微江客不堪頻北望
塞鴻何事又南飛丹陽古渡寒烟積瓜步空洲遠樹稀
聞道王師猶轉戰誰能談笑解重圍

送內弟韋宗仁歸信州覲省

盧綸

常嗟外族弟兄稀轉覺心孤是送歸醉掩壺觴人有淚
夢驚波浪日無暉烹魚綠岸烟迷草摘橘青溪露濕衣
聞說江樓長捲幔幾回風起望胡威

酬李端校書見寄

司空曙

綠槐垂穗乳烏飛，忽憶山中獨未歸。
青鏡流年看髮變，白雲芳草與心違。
乍逢酒客春遊慣，久別林僧夜坐稀。
昨日聞君到城闕，莫將簪弁勝荷衣。

仲夏寄元校書

獨遊埜徑送芳菲，高竹林居接翠微。
綠岸草深虫入徧，青叢花盡蝶來稀。
珠荷薦果香寒簟，玉柄搖風滿夏衣。
蓬草永無車馬到，更當齋夜憶玄暉。

送王尊師南歸

烟蕪滿洞青山遶，幢節飄空紫鳳飛。
金闕乍看迎日麗，

土簫遙聽隔花微
多開石髓供調膳
時御霓裳奉易衣
莫學遼東華表上
千年始欲一回歸

送皇甫冉往白田

崔 尚

江邊盡日雉鳴飛
君向白田何日歸
楚地蒹葭連海迥
隋朝楊柳映堤稀
津樓故市無行客
山館空庭閉落暉
試問疲人與征戰
使君雙淚定沾衣

江山懷柳中庸

李 端

舊任衡山曾夜歸
見君江客憶荆扉
星沉嶺上人行早
月過湖西鶴唳稀
弱竹萬株頻碍幘
新泉數步一褰衣
今來惟有禪心在
鄉路翻成向翠微

寄賈島

紀事作張籍
贈項斯詩

王建

盡日吟詩坐忍饑
萬人中覓似君稀
僮眠冷榻朝猶卧
驢放秋田夜不歸
傍晚暝旋收紅落葉
覺寒猶著舊生衣
曲江池畔肯肯到
爲愛鷓鴣雨後飛

越溪村居

戴叔倫

年來橈客寄禪扉
多話貧居在翠微
黃雀數聲催柳變
青溪一路踏花歸
空林野寺經過少
落日溪山伴侶稀
負米到家春未盡
風蘿閒掃釣漁磯

田家卽事

權德輿

閒卧藜牀對落暉
翛然便覺世情非
漠漠稻花資旅食

青青荷葉製儒衣山僧相訪期中飯漁父同遊或夜歸
待學尚平婚嫁畢渚烟溪月共忘機

荆門道懷古

劉禹錫

南國山川舊帝畿宋臺梁館尚依稀馬嘶古樹行人歇
麥秀空城野雉飛風吹落葉填宮井火入荒陵化寶衣
徒使詞臣庾開府咸陽終日苦思歸

謝竇員外旬休早涼見示詩

奉書報言
朝有宴

新秋十日澣朱衣鈴閣無聲公吏歸風韻漸高梧葉動
露光初重槿花稀四時苒苒催容髮三爵油油忘是非
更報明朝池上酌人知太守字玄暉

贈東岳張鍊師

詳詩意必女道士也

東岳真人張鍊師高情雅淡世間稀堪爲列女書青簡

久事元君任翠微金縷機中拋錦字玉清壇

一作殿

上著

霓衣雲鬢不要吹簫伴只擬乘鸞獨自飛

寄梅處士

張籍

擾擾人間是與非官閒自覺省心機六行班裏身常下
九列符中事亦稀市客慣曾賒賤藥家僮驚見著新衣
君今獨得居山樂應笑多時未辦歸

送金少卿副使歸新羅

雲島茫茫天半微向東萬里

帆飛久爲侍子承恩重

今佐使臣卿命歸過海便應將國信到鄉猶自著朝衣
從前此去人無數光彩如君定是希

荅崔十八見寄

白居易

明朝欲見琴樽伴洗拭金盃拂玉徽君乞曹州刺史替
我拋刑部侍郎歸倚瘡老馬收蹄立避箭高鴻盡翅飛
豈料洛陽風月夜故人垂老得相依

酬李二十侍郎

筍老蘭長花漸稀衰翁相對惜芳菲殘鶯著雨慵休轉
落絮無風疑不飛行掇木芽供野食坐牽蘿蔓掛朝衣
十年分手今同醉醉未如泥莫道歸

將歸渭村先寄舍弟

一年年覺此身衰
一日日知前事非
咏月嘲風先要減
登山臨水亦宜稀
子平嫁娶貧中畢
元亮田園醉裏歸
爲報阿連寒食下
與君釀酒掃柴扉

春盡日宴罷感事獨吟

五年三月今朝盡
客散筵空獨掩扉
病共樂天相伴住
春隨樊子一時歸
閒聽鶯語移時立
思逐楊花觸處飛
金帶垂腰衫委地
年年衰瘦不勝衣

和杜牧之齊山登高

張祜

秋溪南岸菊霏霏
急管繁絃對落暉
紅葉樹溪山逕斷

碧雲江淨浦帆稀不堪孫盛嘲時笑願送王弘醉夜歸
流落正憐芳草在砧聲徒促授寒衣

杭州官舍偶書

姚合

錢塘刺史謾題詩貧福無恩懦少威春盡酒杯花影在
潮回畫檻水聲微閒吟山際邀僧上暮入林中看鶴歸
無術理人人自理朝朝漸覺簿書稀

送崔約下第歸楊州

滿座詩人吟送酒離城此會亦應稀春風下第時稱屈
秋卷呈親自束歸日晚山花當馬落天陰水鳥傍船飛
江邊道路多苔蘚塵土無由得上衣

送崔郎中赴常州

貴是錫原在紫微榮逢知己領黃扉人間盛事今全得
江上政聲復欲歸風起滿城山果落雨餘穿宅水禽飛
昔年常作毗陵客石峭泉清天下稀

聞角

章孝標

邊秋畫角怨金微半夜對吹驚賊圍塞雁遶空秋不下
胡雲著草凍還飛關頭老馬嘶看月磧裏疲兵淚濕衣
餘韻嫋空何處盡戍天寥落曉星稀

秋晚歸廬山畱別道友

周賀

病起陵陽思翠微秋風動後著行衣月生石齒人同見

霜落木梢愁獨歸已許衲僧修靜社便將樵叟對閑扉
不嫌舊隱相隨去廬岳臨天好息機

送韓評事

門枕平湖秋景好水烟松色遠相依罷官餘俸租田種
送客回舟載石歸離岸遊魚逢浪返望巢寒鳥逆風飛
嵩陽舊隱多時別閉目閒吟憶翠微

春雨

李商隱

悵卧新春白袷衣白門寥落意多違紅樓隔雨相望冷
珠箔飄燈獨自歸遠路應悲春晚晚殘宵猶得夢依稀
玉璫緘札何由達萬里雲羅一雁飛

令狐八拾遺綯見招送裴十四歸華州

二十中郎未足希
驪駒先自有光輝
蘭亭讌罷方回去

雪夜詩成道韞歸

郗情字方回鑒之子王羲之娶郗鑒女情又羲之姊夫裴十四必令狐氏

之婿時携內歸華州故有此二語耳

漢苑風烟吹

一作催

客夢雲臺洞穴接

郊扉嗟余久抱臨邛渴
便欲因君問釣磯

聖女祠

松篁臺殿蕙香幃
龍護瑤窗鳳掩扉
無質易逃三里霧
不寒長著五銖衣
人間定有崔羅什
天上應無劉武威
寄問釵頭雙白燕
每朝珠館幾時歸

贈從兄聞之

悵望人間萬事違
私書幽夢約忘機
荻花村裏魚標在
石蘚庭中鹿跡微
幽徑定携僧共入
寒塘好與月相依
城中獬犬憎蘭珮
莫損幽芳久不歸

利州南渡

溫庭筠

澹然空水帶斜暉
曲島蒼茫接翠微
波上馬嘶看棹去
柳邊人歇待船歸
數叢沙草羣鷗散
萬頃江田一鷺飛
誰解乘舟尋范蠡
五湖烟水獨忘機

和友人題壁

沖尚猶來出範圍
肯將輕世作風徽
三台位缺嚴陵臥
百戰功高范蠡歸
自欲一鳴驚鶴寢
不應孤憤學牛衣

西州未有看棋暇，澗戶何由得掩扉。

九日齊山登高

杜牧

江涵秋影雁初飛，與客携壺上翠微。
塵世難逢開口笑，菊花須插滿頭歸。
但將酩酊酬佳節，不用登臨怨落暉。
古往今來只如此，牛山何必淚沾衣。

別表兄軍倅

集作祇命南海至廬陵逢表兄軍倅奉使淮海別後却寄是詩

許渾

盧橘花香拂釣磯，佳人猶舞越羅衣。
三洲水淺魚來少，五嶺山高雁到稀。
客路晚衣紅樹宿，鄉關朝望白雲歸。
交親不念征南吏，昨夜風帆去似飛。

李秀才遷居新安適枉緘書見寬因荅

遠書開罷更依依
晨坐高臺竟落暉
顏巷雪深人已去
庾樓花盛客初歸
東堂望絕遷鶯起
南國哀餘候雁飛
今日勞君猶問訊
一官惟長故山薇

卧疾

寒窗燈盡月斜暉
珮馬朝天獨掩扉
清露已凋秦塞柳
白雲空長越山薇
病中送客難爲別
夢裏還家不當歸
唯有寄書書未得
卧聞燕雁向南飛

祗命許昌自郊居移入公館秋日寄茅山高拾遺
一笛迎風萬葉飛
強携刀筆換荷衣
潮寒水國秋砧早

月暗山城夜漏稀
岩響遠聞樵客過
浦深遙送釣童歸
中年未識從軍樂
虛近三茅望少微

晚自東郭回畱一二遊侶

鄉心迢遞宦情微
吏散尋幽竟落暉
林下草腥巢鷺宿
洞前雲濕雨龍歸
鐘隨野艇回孤棹
鼓絕山城掩半扉
今夜西齋好風月
一瓢春酒莫相違

題衛將軍廟

并序

將軍名遼陽美人少習詩書學弓劍有武略二
十七遊并汾間遇神堯皇帝始建義旗遼以勇
藝進備行列泊擒竇建德遼時挾鎗劍前突後

翼太宗顧而奇之天下既定錄其功拜將軍宿
衛以母老病且乞歸侍殘年辭旨哀激詔許之
旣而以孝敬睦閭門以然信居鄉里及卒邑人
懷其賢廟宇荆溪之涓以平生弓甲懸東西廡
下歲時祠祭頗福其土焉文士王敖撰碑辭寔
詳備惜乎國史闕書其人因題是詩於廟壁
武牢關下護龍旗挾梁彎弓馬上飛漢業未興王霸在
秦軍纔散魯連歸坟穿大澤埋金劍廟枕長溪掛鉄衣
欲吊忠魂何處問葦花楓葉雨霏霏

聽歌鷓鴣

余過陝州夜聽將罷妓人善歌鷓鴣
者詞調清怨往往在耳因題是詩

南國多情多艷詞
鷓鴣清怨遶梁飛
甘棠城上客先醉
苦竹嶺頭人未歸
響轉碧霄雲駐影
曲終清漏月沉暉
山行水宿不知遠
猶夢玉釵金縷衣

陪宣城大夫崔公泛後池

江上西來共鳥飛
剪荷浮泛似輕肥
王珣作簿公曾喜
劉表爲邦客盡依
雲外軒窗通早景
風前簫鼓送殘暉
宛陵行樂金陵任
遙對家山未憶歸

曲江春望懷江南故人

趙嘏

杜若洲邊人未歸
水寒烟煖想柴扉
故園何處風吹柳
新雁南來雪滿衣
目極思隨原草徧
浪高書到海門稀

此時愁望情多少萬里春流遶釣磯

長安月夜與友人話故山

宅邊秋水浸苔磯日日持竿去不歸
楊柳風多潮未落蒹葭霜在一作冷
雁初飛重嘶匹馬吟紅葉却聽疎鐘憶
翠微今夜秦城滿樓月故人相見一沾衣

送裴評事

一作李裴評事

塞垣從事識兵機只擬平戎不擬歸
入夜笳聲含白髮報秋榆葉落征衣
城臨戰壘黃雲晚馬渡寒沙夕照微
此別不應書斷絕滿天霜雪有鴻飛

獵騎

薛逢

兵印長封入衛稀碧空雲淨

一作盡

早霜微澹川桑落鵬

初下渭曲禾收兔正肥陌上管絃清似語草頭弓馬疾
如飛豈知萬里黃雲戍血迸金瘡卧鉄衣

訪玉真觀趙尊師不遇

姚 鵠

羽客朝元晝掩扉林中一逕雪中微松陰繞院鶴相對
山色滿樓人未歸盡日獨思風馭返寥天幾望野雲飛
樓高目斷無消息自醉自吟愁落暉

題王校書山齋

劉 滄

猿鳥無聲晝掩扉寒原隔水到人稀雲晴古木月初上
雪滿空庭鶴未歸藥圃地聯山色近樵家路入樹烟微

棲遲慣得滄浪思
雲閣還應夢釣磯

題巫山廟

十二嵐峯掛夕暉
廟門深閉樹

一作霧

烟微天高木落楚

人思山迥月殘神女歸
觸石晴雲凝翠鬢
度江寒雨濕羅衣
嬋娟似恨襄王夢
猿叫斷岩秋蘚稀

與僧話舊

巾舄同時下翠微
舊遊因話事多違
南朝古寺幾僧在
西嶺空林惟鳥歸
莎徑晚烟凝竹塢
石池春色染苔衣
此來相見又相別
卽是關河朔雁飛

送鄭郎中高州遊東潭

烟嵐晚人濕旌旗高檻風清醉未歸夾路野花迎馬首
山林山鳥向人飛一溪寒水含清淺幾處晴雲度翠微
自是謝公心近得登樓望月思依依

送友人下第東歸

漠漠楊花灞岸飛幾回傾酒話東歸九衢春盡生鄉夢
千里塵多滿客衣流水雨餘芳草合空山日晚白雲微
金門自有西來約莫待螢光照竹扉

晚歸山居

寥落霜空木葉稀初行郊野思依依秋溪頻憶故鄉事
日暮獨尋荒徑歸山影暗隨雲水動鐘聲潛入遠烟微

娟娟惟有西林月不惜清光照竹扉

題天宮寺閣

丹闕侵霄壯復危排空霞影動簷扉城連伊水禹門近
烟隔上陽宮樹微天歛暮雲殘雨歇路穿春草一僧歸
此來閒望更何有無限清風生客衣

宿山寺

項斯

栗葉重重覆翠微黃昏溪上語人稀月明古寺客初到
風度閑門僧未歸山果經霜多自落水螢穿竹不停飛
中宵能得幾時睡又被鐘聲催著衣

古扇

昨日裁成奪夏威，忽逢秋節便相違。
寒塵妬盡秦王女，涼殿恩隨漢王妃。
似月舊臨紅粉面，有風休動麝香衣。
千年蕭瑟關人事，莫語當時掩淚歸。

病鶴

青雲有意力猶微，豈料低回得所依。
幸念翅因風雨困，肯教身陷稻粱肥。
曾遊碧落寧無侶，見有清池不忍飛。
縱使他年引仙駕，主人恩在亦應歸。

送曹德邁歸寧宜春

曹鄴

湘東山水有清輝，袁水詞人得意歸。
幾府爭馳毛義檄，一鄉看待老萊衣。
筵開灞岸臨清淺，路去藍關入翠微。

想到宜陽更無事併將歡慶奉庭幃

寄遠

李頻

愧欲成陰分袂時君期十日復荆扉
槐今落葉已將盡君向遠鄉猶未歸
化石早曾聞節婦沉湘何必獨靈妃
須知此意同生死不學他人空寄衣

初歸鏡中寄陳端公

方干

去歲離家今歲歸孤帆夢向鳥前飛
必知蘆笋侵沙井兼被藤花占石磯
雲島採茶常失路雪龕一作齋中酒不
關屏故交若問逍遙事玄幌何曾勝葦衣

秋晚林中寄賓幕

八月蕭條九月時沙蟬海燕各分飛
杯盂未稱嘗生酒
砧杵先催試熟衣
泉漱玉聲穿石竇
橋垂朱寔壓荆扉
無過縱有山家思
印綬畱連爭得歸

鹽官王長官新剎瑞隱窩

指畫便分元化力
周廻秀絕自清機
孤雲戀石尋常住
落絮繁風特地飛
鴈鳥啼花催釀酒
驚魚濺水誤沾衣
明年秋滿難將去
何似先教書取歸

出山寄蘇從事

寸心似火頻求薦
兩鬢如霜始息機
隔岸雞鳴春擗去
鄰家犬吠夜漁歸
倚松長嘯宜疎拙
拂石欽眠絕是非

多謝元瑜憐野賤時廻車馬發光輝

送婺州許錄事

之官便是還鄉路白日堂堂着錦衣
八韻遺風資逸興二溪寒色助清威
曙星沒後提綱去暝角吹殘鑠印歸
笑我中年更愚僻醉醒多在釣魚磯

贈黃處士

閉戶先生無是非竹灣松榭藕苗衣
愁吟密雪思難盡醉倒殘花扶不歸
若出薜蘿迎鶴簡應拋舴艋別漁磯
到頭苦節終何益空改文星作少微

夏首病愈因招魯望

皮日休

三堂詩集
晚入清和尚衿衣夏陰初合掩雙扉一聲撥穀桑柘晚
數點春鋤烟雨微貧養山禽能個瘦病關芳草就中肥
明朝早起非無事買得莳絲待陸機

西塞山泊漁家

白綸巾下髮如絲靜倚楓根坐釣磯中婦桑村挑葉去
小兒沙市買簑歸雨來蒻菜流舩滑春後鱸魚墜釣肥
西塞山前終日客隔波相羨盡依依

和魯望春雨卽事

纖恨凝愁映鳥飛半旬飄灑掩韶暉山容洗得如烟瘦
地脉流來似乳肥野客正閒移竹遠幽人多病探花稀

何年細濕華陽道兩乘巾車相並歸

送潤卿博士還華陽

雪打篷舟離酒旗華陽居士半酣歸逍遙只恐逢雲將
恬淡真應降月妃仙市鹿胎如錦嫩陰宮燕肉似蘇肥
公車草合蒲輪壞爭不教他白日飛

送圓載上人歸日本國

講殿談餘著賜衣柳帆却返舊禪扉貝多紙上經文動
如意餅中佛爪飛颺母影邊持戒宿波神宮裏受齋歸
家山到日將何入白象新秋十二圍

奉酬見荅魚箋之什

輕如隱起膩如飴除却鮫工解製稀欲寫恐成河伯詔
試裁疑是水仙衣毫端白獺脂猶濕指下水蛭子欲飛
若用莫將閒處去好題春思贈江妃

聞襲美有親迎之期因以寄賀

陸龜蒙

梁鴻夫婦欲雙飛細雨輕寒拂雉衣初下雪窗應眷戀
次乘烟憶奈光輝參差扇影分華月斷續簫聲落翠微
見說春風偏有賀露花千朵照庭闈

春雨卽事寄襲美

小謝輕埃日日飛

小謝詠雨詩有散漫似輕埃句

城邊江上阻春暉雖

愁野岸花房凍還得山家藥笋肥雙屐著頻看齒折敗

裘披苦寒衣
和此無塵事
灑笠鳴簑夜半歸
次酬襲美見招韻

雨多青合是垣衣
一幅蠻箋夜欵扉
蕙帶又聞寬沈約
茆齋猶自憶王微
方靈祇在君臣正
篆古須拋點畫肥
除却伴談秋水外
野鷗何處更忘機

寄淮海惠澤上人

李洞

海濤痕滿舊征衣
長憶初程宿翠微
竹裏橋鳴知馬過
塔中燈露見鴻飛
眉毫別後應盈尺
岳木居來定幾圍
瓶口煎茶掃地學
忘機

和劉博士贈莊嚴律禪師

人言紫綬有光輝不二心觀似草衣塵劫自營還自壞
禪門無住亦無歸松根穴蟻通山遠塔頂巢禽見海微
每話南遊偏起念五峯波土入船扉

題汝州從事廳

鄭谷

詩人公署如山舍祇向階前便採薇驚燕拂簾閒睡覺
落花沾硯會殮歸壁看舊記官多達榜掛明文吏莫違
自說小池栽葦後雨涼頻見鷺鷥飛

秋日泊浦江

杜荀鶴

一帆程歇九秋時漠漠蘆花拂浪飛晚浦更無船並宿
暮山惟見鳥雙歸照雲烽火驚離抱剪葉風霜逼暑衣

江月漸明汀路濕靜驅吟魄入玄微

夜歸華山因寄幕府

蘇廣文

山村寥落野人稀竹裏衡門掩翠微
溪渡夜隨明月入亭臯春伴白雲飛
嵇康懶慢仍耽酒范蠡逋逃久拂衣
汀畔數鷗閑不起只應知我已忘機

卽事

吳融

抵鵲山前雲掩扉更甘

一作便堪

終老脫朝衣曉窺清鏡干

峯入暮倚長松獨鶴歸雲裏引來泉脉細雨中移得藥
苗肥何須一筍鱸魚膾始掛孤帆問釣磯

新雁

湘浦春波始北歸
玉關搖落又南飛
數聲飄去和秋色
一字橫來背晚暉
紫閣高翻雲漠漠
灞川低渡雨微微
莫從思婦臺邊過
未得征人萬里衣

漢江行次

韓偓

村寺雖深已暗知
幡竿殘日迥依依
沙頭有廟青林合
驛步無人白鳥飛
牧笛自由隨草遠
漁歌得意扣舷歸
竹園相接春波煖
痛憶家鄉舊釣磯

卜隱

屏跡還應減是非
却憂藍玉又光輝
桑榆出舍忝初老
柳絮蓋溪魚正肥
世亂豈容長快意
景清還覺易忘機

世間華美無心問
藜藿充腸芋作衣

途中望雨懷歸

韋莊

滿空寒雨漫霏霏
去路雲深鎖翠微
牧豎遠當烟草立
饑禽閒傍渚田飛
誰家樹壓紅樗折
幾處籬懸白菌肥
對此不堪鄉外思
荷蓑遙羨釣人歸

觀獵

苑牆東畔欲斜暉
傍苑穿花兔正肥
公子喜逢朝罷日
將軍誇換戰時衣
鶻翻錦翅雲中落
犬帶金鈴草上飛
直待四郊高鳥盡
掉鞍齊向國門歸

贈邊將

昔因征遠向金微馬出榆關一鳥飛
萬里只携孤劍去
十年空逐塞鴻歸手招都護新降
身著文皇舊賜衣
只待烟塵報天子滿頭霜雪爲兵機

春日

忽覺東風景漸遲野梅山杏暗芳菲
落星樓上吹殘角
偃月營中掛夕暉旅夢亂隨蝴蝶散
離魂潛逐杜鵑飛
紅塵遮斷長安陌芳草王孫暮不歸

家叔南遊却歸因獻賀

繚繞江南一歲歸歸來行色滿戎衣
長聞鳳詔徵兵急
何事龍韜獻捷稀旅夢遠依湘水潤
離魂空伴越禽飛

遙知倚棹思家處
澤國烟波暮雨微

觀軍廻戈

關中羣盜已心離
關外猶聞羽檄飛
御苑綠莎嘶戰馬
禁城寒月搗征衣
漫教韓信兵塗地
不及劉琨嘯解圍
昨日屯軍還夜遁
滿車空載洛神歸

題淮陰侯廟

滿把椒漿奠楚祠
碧幢黃鉞舊英威
能扶漢代成王業
忍見唐民陷戰機
雲夢去時高鳥盡
淮陰歸日故人稀
如何不借平齊策
空看長星落賊圍

旅中感遇寄呈李秘書昆仲

南望愁雲鎖翠微
謝家樓閣雨霏霏
劉楨病後新詩少
阮籍貧來好客稀
猶喜故人天外至
許將孤劍日邊歸
懷鄉不怕嚴陵笑
只待秋風別釣磯

題袁州謝秀才所居

主人年少已能詩
更有松軒掛夕暉
芳草似袍連逕合
白雲如鳥傍簷飛
但將竹葉消春恨
莫遣楊花上客衣
若有前山好烟雨
與君吟到暝鐘歸

鷓鴣

南禽無侶似相依
錦翅雙雙傍馬飛
孤竹廟前啼暮雨
汨羅祠畔弔殘暉
秦人只解歌爲曲
越女空能畫作衣

懊惱澤家非有恨

懊惱澤家鵬
鵠之音也

年年長憶鳳城歸

泛鄱陽湖

四顧無邊鳥不飛
大波驚隔楚山微
紛紛雨外靈均過
瑟瑟雲中帝子歸
迸鯉似梭投遠浪
小舟如葉傍斜暉
鵬夸去後何人到
愛者雖多見者稀

題汧陽縣馬跑泉李學士別業

水滿寒塘菊滿籬
籬邊無限彩禽飛
西園夜雨紅櫻熟
南畝清風白稻肥
草色自畱閒客住
泉聲如待主人歸
九霄岐路忙於火
肯戀斜陽守釣磯

塞上

黃滔

塞門關外日光微角怨單于雁駐飛衝一作水路從水

解斷踰一作城人到月明歸燕山臘雪銷金甲秦苑秋

風脆錦衣欲弔昭君倍惆悵漢家甥舅竟相違

商山贈隱者

誰不相逢話息機九重城裏自依依蓬萊水淺有人說
商洛山高無客歸數隻珍禽寒月在千株古木熱時稀
西窗昨夜鳴蛩盡知夢芝翁起扣扉

廣陵開元寺閣上作

羅隱

滿檻山川漾落暉檻前前事去如飛雲中雞犬劉安過
月裏笙歌煬帝歸江蹙海門帆散出地吞淮口樹相依

紅樓翠幕知多少長向東風有是非

東歸途中作

松橋蒼黃覆釣磯早年生計近年違老知風月終堪恨

貧覺家山不易歸別雁

一作岸

客帆知岸

一作和雁

落遠程霜

葉向人飛買臣嚴助精禱在應笑無成一布衣

經故洛陽城

敗垣危堞跡依稀試駐羸驂弔落暉跋扈已

一作以

成梁

冀在簡書雖問杜喬歸由來世事須翻覆未必餘材解
是非千載昆陽好功業與君門下作恩威

覽齊史

張翰思吳中鱸膾蓴羹

齊王僚屬好男兒
偶覓東歸使得歸
滿日路岐拋似夢
一船風雨去如飛
盤擎紫線尊初熟
筍撥紅絲鱸正肥
惆悵中途無限事
與君千載兩忘機

寄前宣州竇常侍

往年西謁謝玄暉
尊酒畱歡醉始歸
曲檻柳濃鶯未老
小園花嫩一作暖蝶初飛
噴香瑞獸金三尺
舞雪佳人玉一圍
今日亂離尋不得
滿蓑風雨釣魚磯

憶九華

九華巉崿廕柴扉
長憶前時此息機
黃菊倚風村酒熟
綠蒲低雨釣魚歸
干戈已是三年別
塵土那堪萬事違

回首作期恨多少夜闌霜露又沾衣

征人

羅鄴

青樓一別戍金微力盡秋來破
圍錦字莫辭連夜織
塞鴻長是到春歸正憐漢月當空照不奈
沙滿眼飛
惟有夢覓南去日故鄉山水路依稀

春閨

愁坐蘭閨日過遲捲簾巢燕羨雙飛
管絃樓上春應在
楊柳橋邊人未歸玉笛豈能畱舞態
金河猶自浣戎衣
梨花滿院東風急惆悵無言倚錦機

東歸

日日惟憂行役遲東歸可是有家歸却緣桂玉無門住
不算山川去路非秦樹夢愁春鳥弄吳江釣憶錦鱗肥
桃夭杏艷清明近惆悵當年意盡違

經過廣平員外舊宅

徐寅

門巷蕭條引涕洟遺孤三歲着麻衣綠楊樹老垂絲短
翠竹林荒著筍稀結社僧因秋朔弔買書船近葬時歸
平生欲獻匡君策抱病猶言未息機

覽柳惲汀洲採白蘋之什因成

採盡汀蘋恨別離鴛鴦鴈總雙飛月明南浦夢初斷
花落洞庭人未歸天遠有書隨驛使夜長無燭照寒機

年來泣淚知多少重疊成痕在繡衣

蝶

李建勛

粉蝶翩翩若有期南園長是到春歸
開依柳帶參差起困傍桃花獨自飛
潛被燕驚還散亂偶因人逐入簾幃
晚來欲雨東風急回看池塘影漸稀

山居示靈徹上人

僧皎然

晴明路出山初煖行踏春蕪看茗歸
乍削柳枝聊代札時窺雲影學裁衣
身開始覺隳名是心了方知苦行非
外物寂中誰似我松聲草色共忘機

贈歌妓

崔仲容

水翦雙眸霧翦衣當筵一曲媚春輝
瀟湘夜瑟怨猶在巫峽曉雲愁不歸
皓齒乍分寒玉細黛眉輕蹙遠山微
渭城朝雨休重唱滿眼陽關客未歸

閨怨

魚玄機

薜蘿盈手泣斜暉聞道鄰家夫壻歸
別日南鴻纔北去今朝北雁又南飛
春來秋去相思在秋去春來信息稀
扇閉朱門人不到砧聲何事透羅幃

于天驕千英校

玉堂才調集

魚 八十首

王維 一首

高適 一首

杜甫 一首

錢起 一首

郎士元 二首

盧綸 二首

王建 三首

武元衡 一首

權德輿 二首

劉禹錫 二首

羊士諤 一首

張籍 二首

元稹 一首

白居易 四首

李紳 一首

賈島 二首

姚合

五首

周賀

一首

朱慶餘

一首

李商隱

二首

溫庭筠

一首

杜牧

一首

李遠

一首

許渾

三首

趙嘏

一首

薛逢

一首

劉滄

二首

李郢

一首

方干

四首

李昌符

一首

皮日休

二首

鄭谷

一首

杜荀鶴

五首

韓偓

一首

劉兼

二首

王貞白

一首

李中 一首

韋莊 三首

李咸用 一首

羅隱 二首

司空圖 一首

譚用之 一首

高駢 一首

徐寅 三首

胡宿 一首

齊己 一首

時齋

一首

齊山

一首

高樵

一首

餘宜

三首

何空圖

一首

晴川

一首

李淑川

一首

羅烈

一首

李中

一首

韋燕

三首

玉堂才調集

魚

苑舍人能書梵字兼達梵音皆曲盡其妙戲爲之

贈

王維

名儒待詔滿公車才子爲郎典石渠蓮花湯藏心懸悟
貝葉經文手自書楚辭共許勝楊馬梵字何人辨魯魚
故舊相望在三事願君莫厭承明廬

送李少府貶峽中王少府貶長沙高適

嗟君此別意何如駐馬啣盃問謫居巫峽啼猿數行淚
衡陽歸雁幾封書青楓江上秋天遠白帝城邊古木疎

聖代卽今多雨露暫時分手莫躊躇

奉酬嚴公寄題野亭之作

杜甫

拾遺曾奏數行書懶性從來水竹居
奉引濫騎沙苑馬幽棲直釣錦江魚
謝安不倦登臨賞阮籍焉知禮法疎
何日旌麾出城府草茅荒逕欲教鋤

宴曹王宅

錢起

賢王駟馬退朝初小苑三春帶雨餘
林沼蔥蘢多貴氣樓臺隱映接天居
仙雞引敵穿紅藥宮燕啣泥落綺疏
自歎平生相識願何如今日廁應徐

送郴縣裴明府之任兼充宣慰

郎士元

白蘋楚水三湘晚芳草秦城二月初
逆雁北飛看欲盡孤舟南去意何如
渡江野老思求瘼候館柳人憶下車
別後天涯何所寄故交惟有袖中書

寄韋司直

聞君感歎二毛初舊友相依萬里餘
烽戍有時驚暫定甲兵何處可安居
客來吳地星霜久家在平陵音信疎
昨夜東風還入戶登山臨水復何如

秋中過獨孤郊居

卽公王子

盧綸

閒園過水到郊居共引家僮拾野蔬
高樹夕陽連古巷菊花梨葉滿荒渠
秋山近處行過寺夜雨寒時起讀書

帝里諸親別來久豈知王粲愛樵漁

酬包鄧中覽卷後見寄

令伯支離晚讀書豈知詞賦稱相如枉逢花木無新思
拙就溪潭損舊居禁路看山歌自緩雪司玩月漏應疎
沉憂敢望金門召空愧巴歛並子虛

早秋

王建

高樹蟬聲秋巷裏朱門冷靜似閒居重裝畫墨數莖竹
長著香薰一架書語笑付兒知禮數吟哦野客任狂疎
就中愛讀英雄傳欲立功勲恐不如

上杜元穎相公

學士金鑾殿後居天中行坐侍龍輿承恩不許離床謝
密詔長教倚案書馬上喚遮紅紫鴨船頭看釣赤鱗魚
閒曹散吏無相識猶記荊州拜謁初

寄舊山僧

因依老宿發心初半學修心半讀書雪後每常同席臥
花時未省兩山居獵人箭底求傷雁釣戶竿頭乞活魚
一向風塵厭煩惱不知衰病日難除

春暮郊居寄朱舍人

武元衡

幽溪不謝子真居度日閒眠世事疎春水滿池新雨霽
香風入戶落花餘目隨鴻雁窮蒼翠心寄浮雲任卷舒

回首知音青瑣闥何時一爲薦相如

哭張十八校書

權德輿

芸閣爲郎一命初桐州寄傲十年餘
竟隨逝水歸何處名在新詩衆不如
蹉跎江浦生華髮牢落寒原會素車
更憶八行前日到含悽爲報秣陵書

送李處士弋陽山居

暫來城市意何如却憶葛陽溪上居
不憚薄田輸井稅自將佳句著州闕
波翻極浦檣竿出霜落秋郊樹影疎
想到家山無俗侶逢迎只是坐簾輿

送曹璩歸越中舊隱詩

劉禹錫

行盡瀟湘萬里餘
少逢知己憶吾廬
數間茆屋閒臨水
一盞秋燈夜讀書
地遠何當隨計吏
策成終自詣公車
剡中若問連州事
惟有千山畫不如

送分司陳郎中祇召直史館重修三聖實錄

鮮陽官樹引行車
言自成周赴玉除
遠取南朝貴公子
重修東觀帝皇書
常時載筆窺金匱
暇日登樓到石渠
若問舊人劉子政
如今白首在南徐

郡中卽事

羊士諤

曉風山郭雁飛初
霜拂回塘水榭虛
鼓角清明如戰壘
梧桐搖落似貧居
青門遠憶中人產
白首閒看太史書

城下秋江寒見底
賓筵休訝食無魚

寄白二十三舍人

張籍

早知內詔過先輩
蹭蹬江南百事疎
湓浦城中爲上佐
爐峯寺後着幽居
偏依仙法多求藥
長共僧遊不讀書
三省比來名望重
肯容君去樂樵漁

送從弟徹東歸

緱山領印知公奏
才稱同時盡不如
奉使賀成登冊禮
陪班看出降恩書
去邇在路一作邇程去在秋塵裏
受詔辭歸

曉漏初早晚得爲
朝署拜聞坊買宅
作鄰居

重誇州宅日暮景色兼酬前篇末句

元稹

仙都難壽亦難書暫合登臨不合居
繞郭烟嵐新雨後滿山樓閣上燈初
人聲曉動千門闢湖色宵含萬象虛
爲問西州西剎岸濤頭衝突近何如

初除尚書郎脫刺史緋

白居易

親賓相賀問何如服色恩光盡返初
頭白喜拋黃草峽眼明驚插紫泥書
便畱朱紱還鈴閣却著青袍侍玉除
無奈嬌痴三歲女繞腰啼哭覓金魚

欲到東洛得楊使君書因以此報

向公心切向財疎淮上休官洛下居
三郡政能從獨步

十年生計復何如
使君灘上久分手
別駕渡頭先得書
且喜平安又相見
其餘外事盡空虛

荅微之誇越州州宅

賀上人回得報書
大誇州宅似仙居
厭看馮翊風沙久
喜見蘭亭烟景初
日出旌旗生氣色
月明樓閣在空虛
知君闔數江南郡
除却餘杭盡不知

池上閒吟

非莊非宅非蘭若
竹樹池亭十畝餘
餘非道非僧非俗
吏褐裘烏帽閉門
居夢遊信意寧殊
蝶心樂身閒便是
魚雖未定知生與
死其間勝負兩何
如

入揚州郭

李紳

菊芳沙渚殘花少
柳過秋風墜葉疎
堤繞門津宣市井
路交村陌混樵漁
畏衝生客呼童僕
欲指潮痕問里閭
非爲掩身羞白髮
身緣多病喜肩輿

寄無得頭陀

賈島

夏臘今應三十餘
不離樹下塚間居
貌堪良匠拙毫寫
行稱高僧續傳書
落澗水聲來遠遠
當空月色自如如
白衣只在青門裏
心每相親跡且疎

送于中丞使回絕冊立

君立天驕發使車
冊文字字著金書
漸通青塚鄉山盡

欲達皇情譯語初調角
寒城邊色動下霜秋
積雁行疎旌旗來往幾多日
應向途中見歲除

和令狐員外直夜卽寄上相公

姚合

霜臺同處軒窗接粉署
先登語笑踈皓月滿簾聽玉漏
紫泥盈手發天書吟詩清美
招閒客對酒逍遙臥直廬
榮貴人間難有比相公
離此十年餘

冬夜書事寄兩省閣老

天寒漸覺雁聲疎
新月微微玉漏初
海嶠只宜今日去
故鄉已過十年餘
髮稀豈易勝玄冕
眼暗應難寫諫書
閣下羣公盡高思
誰能携酒訪貧居

酬禮部李員外見寄

本求仙郡是閒居
豈向郎官更有書
溪石誰思玉匠愛
烟鴻願與弋人疎
自來江上眠方穩
舊在城中病悉除
惟見君詩難便捨
寒宵吟到曉更初

和李紳助教不赴看花

笑辭聘禮淡坊任
門館長閑似野居
太學官資清品秩
高人公事說經書
年華未是登朝晚
春色何因向酒疎
且看牡丹吟麗句
不知此外復何如

寄崔之仁山人

不得之仁消息久
秋來體色復何如
苦將杯酒判身病

狂作文章信手書官職卑微從客笑性靈閑野向錢疎
幾時家計渾無事揀取溪山一處居

上陝府姚中丞

周賀

此心長愛狎禽魚仍候登封獨著書領郡只嫌生藥少
在官長恨與山疎成家盡是經綸後得句應多諫諍餘
見說養真求退靜溪南泉石許同居

羽林郎

朱慶餘

紫髯年少奉恩初直閣將軍盡不如酒後引兵圍百草
風前駐旆領邊書宅將公主同時賜官與中郎共日除
大笑魯儒年四十腰間猶未識金魚

籌筆驛

李商隱

魚鳥猶疑畏簡書，風雲長爲護儲胥。
徒令上將揮神筆，終見降王走傳車。
管樂有才真不忝，關張無命欲何如。
他年錦里經祠廟，梁父吟成恨有餘。

和劉評事永樂閑居見寄

白社幽閒君暫居，青雲器業我全疎。
已看諫草歸鸞掖，尚憶衡門待鶴書。
蓮聳碧峯關路近，荷翻翠蓋水堂虛。
自探典籍忘名利，欹枕時驚落蠹魚。

送袁州李中丞赴從事

溫庭筠

漢庭文采有相如，天子通霄愛子虛。
把釣看棋高興盡，

焚香起草宦情疎
楚山重疊當歸路
溪月分明到直廬
江雨蕭蕭帆一片
此行誰道爲鱸魚

齊安郡晚秋

杜牧

柳岸風來影漸疎
使君家似野人居
雲容水態還堪賞
嘯志歌懷亦自如
雨暗殘燈棋散後
酒醒孤館雁來初
可憐赤壁爭雄渡
惟有蓑翁坐釣魚

寄浙西李判官

燕臺上客意何如
四五年來漸漸疎
直道莫拋君子業
遭時還與故人書
青雲滿眼應驕我
白髮渾頭少恨渠
誰念賢哉崔大讓
可憐無事不歌魚

贈弘文杜校書

李遠

高倚霞梯萬丈餘，共看移步入宸居。
曉隨鴛鷺排金鎖，靜對鉛黃校玉書。
漠漠禁烟籠遠樹，泠泠宮漏響前除。
還聞漢帝親詞賦，好爲從容奏子虛。

再遊姑蘇玉芝觀

許渾

高梧一葉下，秋初迢遞重廊舊。
寄居月過碧窗，今夜酒雨昏紅壁。
去年書玉池，露冷芙蓉淺。
瓊樹風高，薜荔疎明日掛帆。
更東去仙翁應笑爲鱸魚。

贈兵曹蕭君

廣陵堤上昔離居，帆轉瀟湘萬里餘。
楚客病時無鵬鳥，

越鄉歸處有鱸魚潮生水郭蒹葭響雨過山城橘柚疎
聞說携琴兼載酒邑人爭識馬相如

姑熟官舍

草生官舍似閒居雪照南窗滿素書貧後始知爲吏拙
病來還喜識人疎青雲豈有窺梁燕濁水應無避釣魚
不待秋風便歸去紫陽山下是吾廬

泊鳧磯江館

趙嘏

風雪晴來歲欲除孤舟晚下意何如月當軒色湖平後
雁斷雲聲夜起初傍晚管絃何處靜犯寒楊柳邊津疎
三間茅屋東溪上歸去生涯竹與書

重送徐州李從事商隱

薛逢

曉乘征騎帶犀渠
醉別都門慘袂初
蓮府望高秦御史
柳營官重漢尚書
斬蛇澤畔人烟曉
戲馬臺前樹影疎
尺組掛身何用處
古來名利盡丘墟

江城晚望

劉滄

一望江城思有餘
遙分野逕入樵漁
青山經雨菊花盡
白鳥下灘蘆葉疎
靜聽潮聲寒木杪
遠看風色暮帆舒
秋期又涉潼關路
不得年年向此居

題桃源處士山居畱寄

白雲深處葺茅廬
退隱衡門與客疎
一洞曉烟畱水上

三
室
不
言
集
十
滿庭春露落花初閒看竹嶼吟新月特酌山醪讀古書
窮達盡爲身外事浩然元氣樂樵漁

江亭晚秋

李 郢

碧天涼冷雁來初閒看江亭思有餘秋館池臺荷葉歇
野人籬落豆花疎無愁自得仙翁術多病能忘柱史書
聞說故園香稻熟片帆歸去就鱸魚

贈華陰隱者

方 干

少微夜夜當仙掌更有何人在此居花月舊應看浴鶴
松蘿本白伴刪書素琴醉去經宵枕衰髮寒來向日梳
故國多年歸未得因逢此地憶吾廬

寄江陵王少府

分手頻曾變寒暑迢迢遠意各何如波濤一阻兩鄉夢
歲月無過雙鯉魚吟處落花藏筆硯睡時風雨濕圖書
比來俗輩皆疎我惟有故人心不疎

送朱二十赴漣水

到縣却應嫌水濶離家終是見山疎笙歌不駐難辭酒
舟楫將行負擔書爲政必能安楚老向公猶可釣淮魚
鸞凰取便多如此掠地斜飛上太虛

賊後贈劉將軍

非惟吳起與穰苴今古推排盡不如白馬知無髀上肉

黃巾泣向箭頭書一年戰地成棄茗千里荒榛作比閭
功業更多身轉貴佇看幢節引戎車

客恨

李昌符

古原南北舊蕭疎高木風多小雪餘半夜病吟人寢後
百年閒事酒醒初頻招兄弟同佳節已有兵戈隔遠書
肥馬王孫定相笑不知岐路厭樵漁

南陽潤卿將歸雷平因而有贈

皮日休

借問山中許道士此回歸去復何如竹屏風扇抄遺事
柘步輿竿繫隱書絳樹實多分紫鹿丹砂泉淺種紅魚
東卿旄節看看至靜啓茅齋慎掃除

孫發百篇將遊天台請詩贈行因以送之

孫子荆家思有餘元戎曾薦入公車百篇宮體喧金屋
一口官銜下玉除紫府近通齋後夢赤城新有寄來書
因逢二老如相問正滯江南爲鮑魚

獻大京兆薛常侍能

鄭谷

恥將官業競前途自愛篇章古不如一炷香新開道院
數坊人聚避朝車縱遊藉草花垂酒閒卧臨窗燕拂書
惟有明公賞新句秋風不敢憶鱸魚

夏日登友人書齋林亭

杜荀鶴

暑天長似秋天冷帶郭林亭盡不如蟬噪檻前遮石一

一作

日竹鷺窺池面弄萍魚拋山野客橫琴醉種藥家僮踏
雪鋤衆惜君才堪上第莫因居此與名疎

閒居書事

竹門茅屋帶村居數畝生涯自有餘
鬢白祇應秋鍊句眼昏多爲夜抄書
雁驚風浦漁燈動猿叫霜林橡實疎
待得功成卽西去時清不問命何如

戲題王處士書齋

先生高興似樵漁水鳥山猿一處居
石徑可行苔色厚釣竿時斫竹林疎
斟春祇愛和醅酒諱老猶看夾註一作

著書莫道無金空有壽有金無壽欲何如

書齋卽事

清時祇合力爲儒不可家貧與善疎賣却屋邊三畝地
添成窗下一床書沿溪摘果霜時後出竹吟詩月上初
鄉里老農多見笑不知稽古勝耕鋤

秋日山中寄池州李常侍

近來叅謁陡生疎因向雲山僻處居出爲羈孤營糲食
歸同弟姪讀生書風凋古木秋陰薄月滿寒山夜景虛
但得中興知己在算應身未老樵漁

閒居

韓偓

厭聞趨競喜閒居自種蕪菁亦自鋤麋鹿跳梁憂觸撥

鷹鷂搏擊恐兪疎拙謀却爲多循理所短深慚盡信書
刀尺不虧繩墨在莫疑張翰戀鱸魚

春霽

劉兼

春霽江山似畫圖醉垂鞭袂出康衢猖狂亂打鼍獬鼓
懶慢遲修鴛鴦書老色漸來欺鬢髮閒情將欲傲簪裾
苦錢遍地知多少買得花枝不落無

送從弟舍人入蜀

嘉陵江畔餞行車離袂難分十里餘慷慨莫誇心似鐵
留連不覺淚成珠風光川谷悔將發音信雲天雁未疎
立馬舉鞭無限意會稀別遠擬何如

洗竹

王貞白

道院竹繁教略洗鳴琴酌酒看扶疎不圖結實來雙鳳
且要長竿釣巨魚錦籜裁冠添散逸玉芽修饌稱清虛
有時記得三天事自向琅玕節下書

書郭判官幽齋壁

李中

不妨公退尚清虛創得幽齋興有餘要引好風清戶牖
旋栽新竹滿庭除傾壺待客花開後煮茗畱僧月上初
更有野情堪愛處石床苔蘚似匡廬

寄從兄遵

韋莊

江上秋風正釣鱸九重天子夢翹車不將高臥邀劉王

自吐清談護漢儲
滄海十年龍景斷
碧雲千里雁行疎
相逢莫話歸山計
明日東封待直廬

東遊遠歸

扣角干名計已疎
劍歌休恨食無魚
辭家柳絮三春半
臨路槐花七月初
江上欲尋漁父醉
日邊時得故人書
青雲不識楊生面
天子何由問子虛

桐廬縣作

錢塘江盡到桐廬
水碧山青畫不如
白羽鳥飛嚴子瀨
綠簑人釣季鷹魚
潭心倒影時開合
谷口閒雲自卷舒
此境只應詞客愛
投文空弔木玄虛

題劉處士居

李咸用

壓破嵐光半畝餘，竹軒蘭砌共清虛。
泉經小檻聲長急，月過修簷影旋疎。
溪鳥時時窺戶牖，山雲往往宿庭除。
干戈謾道因天意，渭水高人自釣魚。

送丁明府赴任紫溪

羅隱

金徽玉軫肯躊躇，偶滯良途半月餘。
樓上酒闌梅拆後，馬前山好雪晴初。
欒公社在憐鄉樹，潘令花繁賀板輿。
縣譜莫辭畱舊本，異時玄度更何如。

第五將軍于餘杭天柱宮入道因寄

交梨火棗味何如，聞說茗川已下車。
瓦榼尚携京口酒，

草堂應寓潁陽書亦知得意猶乘鶴未必忘機便釣魚
却恐武皇還望祀軟輪徵入問玄虛

光啓四年春戊申

司空圖

亂後燒殘數架書峯前猶自戀吾廬忘機漸喜逢人少
覽鏡空憐待鶴疎孤嶼池痕春漲滿小闌花韻午晴初
酣歌自適逃名久不必門多長者車

江邊秋夕

譚用之

千鍾紫酒薦菖蒲松島蘭舟漱灩澦居曲內橘香江客館
字中嵐氣岳僧書吟期汗漫驅金虎坐約丹青跨玉魚
下色花虬一聲鶴幾時乘興上清虛

依韻奉酬李迪

高駢

柳下官資顏子居，閒情入骨若爲除。
詩成斬將奇難敵，酒熟封侯快未如。
只見絲綸終日降，不知功業是誰書。
而今共飲醇滋味，消得揶揄勢利疎。

憶長安上省年

徐寅

忽憶關中逐計車，歷坊騎馬信空虛。
三秋病起見新雁，八月夜長思舊居。
宗伯帳前曾獻賦，相君門下再投書。
如今說着猶堪泣，兩宿都堂過歲除。

茆亭

鴛瓦虹梁計已疎，織茆編竹稱貧居。
剪平恰似山僧笠，

掃淨真同道者廬秋晚捲簾看過雁月明憑檻數跳魚
重門公子應相笑四壁風霜老讀書

贈表弟黃校書較

昔居平溪冷居近市入市五里

產破身窮爲學儒我家諸表愛詩書嚴陵雖說臨溪隱
晏子還聞近市居佳句麗偷紅菡萏吟窗冷落白蟾蜍
閒來共話無生理今日悠悠事總虛

淮南王

胡宿

貪鑄金錢盜寫符何曾七國戒前車長生不待爐中藥
鴻寶誰收篋裏書碧井牀空天影在小山人去桂葉疎
雲中雞犬無消息麥秀漸漸徧故墟

韶陽徵公

齊已

曲江晴影石千株
吾子思歸夢斷初
有信北來山疊疊
無言南去雨疎疎
祖師門接園林路
丞相家同井邑居
閒野老身畱得否
相招多是秀才書

于秉成敘九校



東門公子繼南天四野秋風起

時表功高後世名

千秋功績為華儒我輩能受此

夢了還聞市井忙何處能逢

別來功績無生理今日終修

問理未良問野否味此多具

燕言南去雨迦燕眠門對園林

幽玉熱濕口十林香子思飄夢

清烈燭公

襖

玉堂才調集

虞四十三首

綦毋潛一首

韓翃一首

耿湜一首

王建一首

楊巨源一首

張籍一首

元稹四首

白居易十首

溫庭筠一首

杜牧一首

薛能一首

劉滄一首

雍陶一首

李洞一首

曹唐一首

鄭谷一首

玉堂才調集

虞

韓偓 二首

韋莊 一首

羅隱 二首

羅鄴 一首

褚戴 一首

徐寅 一首

齊巳 一首

玉堂才調集

虞

經陸補闕隱居

綦毋潛

方干

不敢要君徵亦起致君全得似唐虞
讜言昨歎離天聽
新象今聞入縣圖
琴鎖壞窗風自響
鶴歸喬木隱難呼
學書弟子何人在
點檢猶存諫草無

送端州馮使君

韓 翃

白晳風流自有鬚
一門豪貴領蒼梧
三峯亭暗橘邊宿
八桂林香節下趨
玉樹羣兒爭翠羽
金盤少妾揀明珠
懷君樂事不可見
驄馬翩翩新虎符

送大谷高少府

耿 漳

縣屬并州北近 悠悠此別宦仍孤
應知史筆思循吏 莫料轅門笑魯儒
古塞草青宜牧馬 春城月暗好啼烏
凋殘貴有親仁術 梅福何須去隱吳

贈胡將軍

王 建

書生難得是金吾 近日登科記總無
半夜進讎當玉殿 未明排仗到銅壺
朱牌面上分官契 黃紙頭邊押勅符
恐要蕃中新道路 指麾重畫五城圖

早春病中

日日春風階下起 不吹光彩上寒株
師教絳服襪新日

妻許青衣侍病夫健美人家多力子祈求道士有神符
世間方法從誰問卧處還看藥草圖

寄江州司馬白公

楊巨源

江州司馬平安否惠遠東林住得無
湓浦曾聞似衣帶
廬峯見說勝香爐題詩歲晏離鴻斷
望闕天遥病鶴孤
莫謾拘牽雨花社青雲依舊是前途

寄元員外

張籍

外郎直罷無餘事灑掃書堂試藥爐
門巷不教當要鬧
詩篇轉覺足工夫月明臺上惟僧到
夜靜坊中有酒沽
朝省入頻閒日少可能同伴舊遊無

送友封

元稹

桃葉成陰燕引雛
南風吹浪颭檣烏
瘴雲拂地黃梅雨
明月滿帆青草湖
迢遞旅魂歸去遠
顛狂酒興病來孤
知君兄弟憐詩句
遍爲姑將惱大巫

贈崔元孺

殷勤夏口阮元瑜
二十來前舊飲徒
最愛輕欺杏園客
也曾辜負酒家胡
些些風景閒猶在
事事顛狂老漸無
今日頭盤三兩擲
翠娥潛笑白髭鬚

戲贈樂天復言

樂事難逢歲易徂
白頭光景莫令孤
弄濤船更曾觀否

望市樓還有會無暇力少將尋案牘心情且強擲臬盧
孫園虎寺隨宜看不必遙遙羨鏡湖

再酬復言

繞郭笙歌夜景徂稽山迴帶月輪孤休文欲詠心應破
道子雖來畫得無顧我小才同培塿知君險鬪敵都盧
不然豈有姑蘇郡擬著陂塘比鏡湖

履道池上作

白居易

家池動作經旬別松竹琴魚好在無樹暗小巢藏巧婦
渠荒新葉長慈姑不因車馬時時到豈覺園林日日蕪
猶喜春淡公事少每來花下得踟躕

夜宴醉後畱獻裴侍中

九燭臺前十二姝
主人畱醉任歡娛
翩翻舞袖雙飛蝶
宛轉歌聲一索珠
坐久欲醒還酩酊
夜淡初散又踟躕
南山賓客東山妓
此會人間曾有無

繡婦歎

連枝花樣繡羅襦
本擬新年餉小姑
自覺逢春饒悵望
誰能每日趁工夫
針頭不解愁眉結
線縷難穿淚臉珠
雖凭繡牀都不繡
同牀繡伴得知無

餘杭形勝

餘杭形勝四方無
州傍青山縣枕湖
遶郭荷花三十里

拂城松樹一千株夢兒亭古傳名謝教妓樓新道姓蘇
獨有使君年太老風光不稱白髭鬚

閒夜詠懷因招周協律劉薛二秀才
世名檢束爲朝士心性疎慵是野夫高置寒燈如客店
深藏夜火似僧爐香濃酒熟能嘗否冷淡詩成肯和無
若厭雅吟須俗飲妓筵勉力爲君鋪

湖上醉中代諸妓寄嚴郎中

笙歌杯酒正歡娛忽憶仙郎望帝都借問連宵直南省
何如盡日醉西湖蛾眉別久心知否雞舌含多口厭無
還有些些惆悵事春來山路見蘼蕪

酬微之誇鏡湖

我嗟身老歲方徂君更官高興轉孤軍門郡閣曾開否
禹穴耶溪得到無酒盞省陪波卷白散盤思共彩呼盧
一泓鏡水誰能羨自有胸中萬頃湖

微之詩云孫園虎寺隨宜看不必遙

遙羨鏡湖故以此戲言答之

代諸妓贈送周判官

妓筵今夜別姑蘇客棹明朝向鏡湖莫泛扁舟尋范蠡
且隨五馬覓羅敷蘭亭月破能廻否娃館秋涼却到無
好與使君爲老伴歸來休染白髭鬚

早春醉吟寄太原令狐相公蘇州劉郎中

雪夜閒遊多秉燭花時暫出亦提壺別來少遇新詩敵
老去難逢舊飲徒大振威名降北 勤行惠化活東吳
不知歌酒騰騰興得似江南醉尹無

宴後題府中水堂贈盧尹中丞

昔予爲尹日創造之

水齋歲久漸荒蕪自愧甘棠無一株新酒客來方宴飲

舊堂主在重歡娛莫言楊柳枝空老

府妓有歌楊柳枝曲者因以名焉

直致櫻桃樹已枯

府西有櫻桃廳因樹爲名今樹已枯也

送我到君十一

尹相看自置府來無

自予罷後至中丞凡十一尹也

寄盧生

溫庭筠

遺業荒涼近故都門前堤路枕平湖綠楊陰裏千家月

玉堂才調集

虞

紅藕香中萬點珠此地別來雙鬢改幾時歸去片帆孤
他年猶擬金貂換寄語黃公舊酒壚

歙州盧中丞見惠名醢

杜牧

誰憐賤子啓窮途太守封來酒一壺攻破是非渾似夢
削平身世有如無醢醢若借稽康懶兀兀仍添甯武愚
猶念悲秋更分賜夾溪紅蓼映風蒲

聞慶州趙縱使君與黨項戰中箭身死長句

將軍獨乘鐵驄馬榆溪戰中金僕姑死綏却是古來有
騎將自驚今日無青史文章爭點筆朱門歌舞笑捐軀
誰知我亦輕生者不得君王丈二殳

贈歌者

薛能

一字新聲一顆珠，轉喉疑是擊珊瑚。
聽時坐部音中有，唱後櫻花葉裏無。
漢浦蒹葭聞虛解，珮臨邛焉用枉當壚。
誰人得向青樓宿，便是仙郎不是夫。

題褒城驛池

池館通秦檻，向衢舊聞佳賞。
此踟躕清涼不散，亭猶在。
事力何銷，舫已無釣客坐。
風臨島嶼，牧牛當雨，食菰蒲。
西川吟吏偏思葺，只恐歸尋水亦枯。

邊思

劉滄

漢將邊方背轆轤，受降城北是單于。
黃河晚凍雪風急，

野火遠燒山木枯，偷號甲兵衝塞色。
銜枚戰馬踏寒蕪，蛾眉一沒空畱怨青冢。
月明啼夜烏。

酬李紺歲除送酒

雍陶

歲盡貧心事事須，就中深恨酒錢無。
故人克壽能分送，遠客消愁免自沽。
一夜四乘輕鑿落，五更三點把屠蘇。
已供時節深珍處，況許今朝更挈壺。

送醉畫王處士

李洞

幾年乘興住南吳，狂醉蘭舟夜落湖。
別後鶴毛描轉細，近來牛角飲還麤。
同殮夏果山何處，共釣秋濤石在無。
關下相逢怪予老，篇章役思繞寰區。

宿成都松溪院

松持節操溪澄性一炷煙嵐壓寺隅翡翠鳥飛人不見
琉璃瓶貯水疑無夜聞子落真山雨曉汲波圓入畫圖
塵擁蜀城抽鎖後此中猶夢在江湖

暮春戲贈吳端公

曹唐

年少英雄好丈夫大家望拜執金吾閒眠曉日聽鶡鴒
笑倚春風仗轆轤深院吹笙聞漢婢靜街調馬任奚奴
牡丹花下簾鉤外獨凭紅肌將虎鬚

將之瀘郡旅次遂州遇裴晤員外謫居於此話舊

淒涼因寄

鄭谷

昔年共照松溪影松折溪荒僧已無今日同思錦城事
雪鋪花謝夢何殊亂離未定身俱老騷雅全休道甚孤
我拜師門更南去荔枝春熟向渝瀘

湖南絕少含桃偶有人以新摘者見惠感事傷懷

因成四韻

韓偓

時節雖同氣候殊不知堪薦寢園無合充鳳食畱三島
誰許鶯偷過五湖苦筍恐難同象匕

秦中爲櫻筍之會乃三月也

酪

漿無復瑩蟬珠

湖南無牛酪之味

金鑾歲歲長宣賜忍淚看天

憶帝都

每歲初進之後先宣賜學士

贈湖南李思齊處士

兩板船頭濁酒壺七絲琴伴白髭鬚三春日日黃梅雨
孤客年年青草湖燕俠冰霜難狎近楚狂鋒刃觸凡愚
知子絕粒窺仙事許到名山看藥鑪

袁州作

韋莊

家家生計只琴書一郡清風似魯儒山色東南連紫府
水聲西北屬洪都烟霞盡入新詩卷郭邑閒開古畫圖
正是江村春酒熟更聞春鳥勸提壺

寄徐濟進士

羅隱

往年疎懶共江湖月滿花香記得無霜壓楚蓮秋後折
雨催蠻酒夜添酤紅塵偶別迷前事丹桂相輕愧後徒

出得函關抽得手從來不及阮元瑜

杜陵秋思

南望商于北帝都兩堪棲託
兩無圖只聞斥逐張公子
不覺悲同楚大夫巖畔早涼生
紫桂井邊疎影落高梧
一杯淥酒他年憶瀝向清波
寄五湖

寄程尊師

鶴信雖然到五湖煙波迢遞路
崎嶇玉書分薄花生眼
金鼎功遲雪滿鬚三秀紫芝勞
夢寐一番紅槿恨朝晡
未知朽敗凡間骨得受先生指
教無

自遣

羅鄴

四十年來詩酒徒一生緣興滯江湖不愁世上無人識
惟怕村中沒酒沽春巷摘桑喧姹女江船吹笛舞蠻奴
焚魚酌醴醉堯代吟向席門聊自娛

贈道士

褚戴

簪星曳月下蓬壺曾見東臯種白榆六甲威靈藏瑞檢
五龍雷電繞霜都惟教鶴探丹丘信不使人窺太乙爐
聞說葛陂風浪濶許騎青鹿從行無

蜀

徐寅

雖倚關張敵萬夫豈勝恩信作良圖能均漢祚三分業
不負荊州六尺孤綠水有魚賢已得青桑如蓋瑞先符

君王幸得中山後建國如何號蜀都

寄萍鄉唐稟正字

僧齊己

新詩聲價滿皇都高卧林中更起無
春興酒香薰肺腑夜吟雲氣濕髭鬚
同登水閣僧皆別共上漁船鶴亦孤
長憶前年送行處洞門殘日照菖蒲

送李秀才歸湘中

詞客携文訪病夫因吟送別憶湘湖
寒消浦溆催鴻雁暖入溪山養鷓鴣
僧向月中尋嶽麓雲從城上上蒼梧
君歸爲問峯前寺舊住松房鎖在無

玉堂才調集

齊六十七首

張諤一首

儲光羲一首

王維一首

岑參一首

杜甫一首

劉長卿一首

秦系一首

李嘉祐一首

顧況一首

戎昱一首

竇庠一首

王建三首

劉禹錫一首

張籍一首

白居易五首

李德裕一首

李紳 一首

姚合 一首

李商隱 三首

溫庭筠 三首

許渾 二首

薛能 一首

劉滄 二首

方干 二首

章碣 一首

皮日休 一首

鄭谷 二首

張蠙 一首

杜荀鶴 二首

吳融 一首

韓偓 四首

李中 一首

韋莊 四首

秦韜玉 一首

譚用之 二首

張泌 一首

胡宿 二首

齊己 一首

李後主 一首

送平西高將軍守邊

佐軍兼賦職
將軍守邊
威靈遠播
功業日彰

今朝獨和
平世更逢
出師未捷
水陸俱窮

南望軍中
報捷書
將軍守邊
威靈遠播

田家

田家

年年燕燕
水色綠
柳花紅
平波如鏡

夕照殘紅
綠柳花紅
平波如鏡
水色綠



李翁王
一首

周翁
一首

齊
已
首

玉堂才調集

齊

延平門高齋亭子應岐王教

張諤

花源藥嶼鳳城西
幕紗窗鶯亂啼
昨夜葡萄初上架
今朝楊柳半垂堤
片片仙雲來渡水
雙雙燕子共啣泥
請語東風催後騎
併將歌舞向前谿

田家卽事

儲光羲

桑柘悠悠水蘸堤
晚風晴景不妨犁
高機猶織臥蠶子
下坂饑逢餉饁妻
杏色滿林羊酪熟
麥涼浮壠雉媒低
生時樂死皆由命
事在旻天迴不迷

聽百舌鳥

王維

上蘭門外草萋萋，未央宮中花裏棲。
亦有相隨過御苑，不知若箇向金堤。
入春解作千般語，拂曙能先百鳥啼。
萬戶千門應覺曉，建章何必聽鳴雞。

首春渭西郊行呈藍田張二王簿 岑參

迴風度雨渭城西，細草新花踏作泥。
秦女峯頭雪未盡，胡公陂上日初低。
愁窺白髮羞微祿，悔別青山憶舊溪。
聞道輞川多勝事，玉壺春酒正堪携。

暮歸

杜甫

霜黃碧梧白鶴棲，城上擊柝復烏啼。
客子入門月皎皎，

誰家搗練風淒淒南渡桂水闕舟楫北歸秦川多鼓鞀
年過半百不稱意明日看雲還杖藜

野望

金華山北涪水西仲冬風日始淒淒山連粵嶠蟠三蜀
水散巴渝下五谿獨鶴不知何事舞饑鳥似欲向人啼
射洪春酒寒仍綠目極傷神誰爲携

登餘干古城

劉長卿

孤城上與白雲齊萬古荒涼楚水西官舍已空秋草綠

女牆猶在夜烏啼平江渺渺來行

一作人遠

一作度

落日亭

亭向客低沙鳥不知陵谷變朝來暮去弋陽溪

使次安陸寄友人

新年草色遠萋萋久客將歸問

一作失

路蹊暮雨不知湏

日處春風只到穆陵西孤城盡日空花落三戶無人自
鳥啼君在江南相憶否門前五柳幾枝低

耶溪書懷寄劉長卿員外

時在睦州

秦系

時人多笑樂幽棲晚起閒行獨杖藜雲色卷舒前後嶺
藥苗新舊兩三畦偶逢野菜將呼子屢折荆釵亦爲妻
擬共釣竿長往復巖陵灘上勝耶溪

送從弟永任饒州錄事參軍

李嘉祐

一官萬里向千溪水宿山行漁浦西日晚長烟高岸近

天寒積雪遠峯低
蘆花渚裏鴻相呌
苦竹叢邊猿暗啼
聞道慈親倚門待
到時蘭葉正萋萋

送大理寺張卿

顧況

春色依依惜解携
月卿今夜泊隋堤
白沙洲上江離長
綠樹村邊謝豹啼
遷客比來無倚仗
故人相去隔雲泥
越禽惟有南枝分
目送歸鴻飛向西

上李常侍

戎昱

旌旗曉過大江西
七校前驅萬隊齊
千里政聲人共喜
三軍令肅馬前嘶
恩沾境內風初變
春入城陰柳漸低
桃李不言令更種
早知門下舊成谿

奉酬侍御家兄東洛閒居夜晴觀雪之什

竇庠

洛陽宮觀與天齊
雪淨雲銷月未西
清淺乍分銀漢近
輝光漸覺玉繩低
綠韞乍熟堪聊酌
黃竹篇成好命題
應念武關山斷處
空愁簿領候晨雞

春日午門西望

王建

百官朝下午門西
塵起春風過玉堤
黃帕蓋鞍呈了馬
紅羅繫項鬪回雞
館松枝重牆頭出
渠柳條長水面齊
惟有教坊南草色
古城陰處綠萋萋

九仙公主舊莊

仙居五里外門西石路親廻御馬蹄天使來栽宮裏樹
羅衣白買院前溪野牛行傍澆花井本主分將灌藥畦
樓上鳳凰飛去後白雲紅藥屬山雞

江陵卽事

瘴雲梅雨不成泥十里津頭

樓一作

壓大堤蜀女下沙迎

水客巴僮傍驛賣山雞寺多紅藥燒人眼地足青苔染
馬蹄夜半獨眠愁在遠北看歸路隔蠻溪

酬浙東李侍郎越州春晚卽事

劉禹錫

越中藹藹繁華地秦望峯前禹穴西湖草初生邊雁去
山花半謝杜鵑啼青油畫卷臨高閣紅旆晴翻繞古堤

明日漢庭徵舊德老人爭出若耶溪

送義丹師還黔南

黔江秋水浸雲霓獨泛慈航路不迷猿猱窺齋林葉動
蛟龍聞咒浪花低如蓮半偈心常悟問菊新詩手自携
常說一作摩圍似靈鷲却將山屐上丹梯

早朝寄白舍人嚴郎中

張籍

鼓聲初動未聞雞羸馬街中踏凍泥燭暗有時衝石柱
雪深無處認沙堤常參班裏人猶少待漏房前月欲西
鳳閣星郎離去遠閣門開處入還齊

贈別王侍御赴任陝州司馬

京城在處閒人少惟共君行並馬蹄更和詩篇名最出
時傾杯酒與常齊同趨闕下聽鐘漏獨向軍前聞鼓聲
今日春明門外別更無因得到街西

北樓送客歸上都

白居易

憑高眺遠一悽悽却下朱闌手共携京路人歸天直北
江樓客散日平西長津欲渡迴船尾殘酒重傾簇馬蹄
不獨別君須強飲窮愁自要醉如泥

天津橋

津橋東北斗亭西到此令人詩思迷眉月晚生神女浦
臉波春傍窈娘堤柳絲嫋嫋風綵出草縷茸茸雨剪齊

三才集
五
報道前驅少呼喝恐驚黃鳥不成啼

武丘寺路宴畱別諸妓

銀泥裙映錦障泥畫舸停橈馬簇蹄清管曲終鸚鵡語
紅旂引動駮轡嘶漸消醉色朱顏淺欲語離情翠黛低
莫忘使君吟咏處女墳湖北虎丘西

錢塘湖春行

孤山寺北賈亭西水面初平雲脚低幾處早鶯爭暖樹
誰家新燕啄春泥亂花漸欲迷人眼淺草纔能沒馬蹄
最愛湖東行不足綠楊陰裏白沙堤

再答微之

可憐風景浙東西先數餘杭次會稽禹廟未勝天竺寺
錢塘不羨若耶溪擺塵野鶴春毛暖拍水沙鷗濕翅低
更對雪樓君愛否紅欄碧甃點銀泥

嶺南道中

李德裕

嶺水爭分路轉迷桃榔椰葉暗蠻溪愁衝毒霧逢蛇草

畏落沙虫避燕泥五月畬田收火米

火米火耕之米也異物志云交趾稻

夏熟一歲再種

三更津吏報潮雞

移風縣有潮雞潮長則鳴

不堪腸斷思鄉

處紅槿花中越鳥啼

憶夜直金鑾殿承旨

李紳

月當銀漢玉繩低淅聽簫韶碧落齊門掩紫垣高綺樹

閣連青瑣近丹梯墨宣外渥催飛詔草布浚恩促換題
明日獨歸花路遠可憐人世隔雲泥

送饒州張使君

姚合

鄱陽勝事人難比千里連連是稻畦山寺去時通水路
郡圖開處是詩題化行應免農人困庭靜惟多野鶴棲
飲罷春明門外別蕭條驛路夕陽低

寄周十七起居

瑟瑟九陌鼓聲齊百辟朝天馬亂嘶月照濃霜寒更遠
風吹紅燭舉還低官清立入金鑪北仗下歸眠玉殿西
莫笑老人多獨出晴山荒景覓詩題

飲席戲贈同舍

李商隱

洞中屐響省分携，不是花迷客自迷。
珠樹重行憐翡翠，玉樓雙舞羨鴟雞。
蘭迴舊蓋緣屏綠，椒綴新香和壁泥。
唱盡陽關無限疊，半杯松葉凍頗黎。

寄令狐學士

秘殿崔嵬拂彩霓，曹司今在殿東西。
賡歌太液翻黃鵠，從獵陳倉獲碧雞。
曉飲豈知金掌迥，夜吟應訝玉繩低。
鈞天雖許人間聽，聞闔闔門多夢自迷。

九成宮

十二層城闔苑西，平時避暑拂虹霓。
雲隨夏后雙龍尾，

風逐周王八駿蹄
吳嶽曉光連翠巘
甘泉晚景上丹梯
荔枝盧橘沾恩幸
鸞鵲天書濕紫泥

贈知音

溫庭筠

翠羽花冠碧樹雞
未明先向短牆啼
窗間謝女青蛾歛
門外蕭郎白馬嘶
星漢漸移庭竹影
露珠猶綴野花迷
景陽宮裏鐘初動
不語垂鞭上柳堤

經李徵君故居

露濃烟重草萋萋
樹映闌干柳拂堤
一院落花無客醉

五更

一作半窗

殘月有鶯啼
芳筵想像情難盡
故榭荒涼路

欲迷惆悵羸驂
往來慣每經門巷
亦長嘶

一作風景宛然人自改却

經門巷
馬頻嘶

經西塲偶題

搖搖弱柳黃鶯啼芳草無情人自迷日影滅明金色鯉
杏花唼喋青頭雞微紅柰蒂惹蜂粉潔白芹芽穿燕泥
借問含顰向何事昔年曾到武陵溪

送張尊師歸洞庭

許渾

能琴道士洞庭西風滿歸帆路不迷對岸水花霜後淺
傍簷山菓雨來低杉松近晚移茶竈巖谷初寒葢藥畦
他日相思兩行字無人知處武陵溪

送上元王明府赴任

莫言名重嬾驅雞
六代江山碧海西
日照蒹葭明楚塞
烟分楊柳見隋堤
荒城樹暗沉書浦
舊宅花連罨畫溪
官滿定知歸未得
九重霄漢有丹梯

許州題德星亭

薛能

漢水南流東有堤
堤邊亭是武陵溪
槎松配石僧堪坐
葦杏含春鳥欲啼
高樹月生滄海外
遠郊山在夕陽西
頻來不似軍從事
只戴紗巾只杖藜

浙江晚渡懷古

劉滄

蟬噪秋風滿古堤
荻花寒渡思淒淒
潮聲歸海鳥初下
草色連江人自迷
碧落晴分平楚外
青山晚出穆陵西

此來一見垂綸者却憶舊居明月溪

題古寺

古寺蕭條偶宿期更添霜壓竹枝低長天月影高窗過
疎樹寒鴉半夜啼池水竭來龍已去老松枯處鶴猶棲
傷心可惜從前事寥落朱廊墮粉泥

思越中舊遊因寄

方干

甸外山川無越國依稀只似劍門西鏡中疊浪搖星斗
城上繁花咽鼓聲斷臂青猿啼玉筍成羣白鳥下耶溪
此中曾是同遊處迢遞尋君夢不迷

和于中丞登扶風亭

避石攀蘿去不迷行時舉步似丹梯東軒海日已先照
下界晨雞猶未啼郭裏雲山全古寺村前竹樹半藏溪
謝公吟望多來此此地應將峴首齊

曲江

章碣

日照香塵逐馬蹄風吹浪濺幾回堤無窮羅綺填花徑
大半笙歌占麥畦落絮却籠他樹白嬌鶯更學別禽啼
祇緣頻宴蓬洲客引得遊人去似迷

題潼關蘭若

皮日休

潼津罷警有招提近百年無戰馬嘶壯士不言三尺劍
謀臣休道一丸泥昔時馳道洪波上今日宸居紫氣西

關吏不勞重借問棄繻生擬入耶溪

鷓鴣

鄭谷

暖戲烟蕪錦翼齊品流應得近山雞
雨昏青草湖邊過花落黃陵廟裏啼
遊子乍聞征袖濕佳人纔唱翠眉低
相呼相應湘江曲

一作潤

苦竹叢深春日西

訪題表兄王藻渭上別業

桑村搖落渭川西蓼水瀾瀾接稻泥
幽檻靜來漁唱遠暝天寒極雁行低
濁醪最稱看山醉冷句偏宜選竹題
中表人稀離亂後花時莫惜重相携

宴駙馬宅

張蠙

玉堂才調集

齊

牙香禁樂鎮相携日日君恩降紫泥紅藥院淡人半醉
綠楊門掩馬頻嘶座中古物多仙意壁上新詩有御題
別向庭廡置吟石不教宮妓踏成蹊

山居寄同志

杜荀鶴

茅齋深僻絕輪蹄門徑緣莎細接溪垂釣石臺依竹壘
待賓茶竈就巖泥風生谷口猿相叫月照松頭鶴並棲
不是無端過時日擬從窗下躡雲梯

題瓦棺寺真上人院矮檜

天生仙檜是長才栽檜希逢此最低一自舊山來砌畔
幾番凡木與雲齊迥無斜影教僧踏免有閒枝引鶴棲

今日偶題題似著不知題後更誰題

玉女廟

吳融

九清何日降仙霓
掩映荒祠路欲迷
愁黛不開山淺淺
離心長在草萋萋
簷橫淥派王餘擲
窗裊紅枝杜宇啼
若得洗頭盆置此
倩粧無復碧蓮西

小隱

韓偓

借得茅齋麓西擬
將身世老鋤犁
清晨向市煙含郭
寒夜歸村月照溪
爐爲窗明僧偶坐
松因雪折鳥驚啼
靈椿朝菌由來事
却笑莊生始欲齊

苑中

上苑離宮處處迷相風高與露盤齊金堦鑄出狻猊立

玉柱雕成狒狒啼外使調鷹初得按

五方外使以鷹隼初調習使能擒獲

謂之得按

中官過馬不教嘶

上乘馬必中官馭以進謂之過馬

笙歌錦繡雲

霄裏獨許詞臣醉似泥

玩水禽

兩兩珍禽渺渺溪翠襟紅掌淨無泥向陽眠處莎成毯
踏水飛時浪作梯依倚雕梁輕社燕抑揚金距笑晨雞
勸君細認漁翁意莫遣緇羅誤穩棲

訪同年虞部李郎中

天復四年在湖南

策蹇相尋犯雪泥廚煙未動日平西門庭野水瀼瀼鷺

隣里短牆唧唧雞未入慶霄君擇肉畏逢華歆我吹簞
地爐貰酒成狂醉更覺襟懷得喪齊

海上春夕旅懷寄左偃

李中

柳過清明絮亂飛感時懷舊思悽悽月生樓閣雲初散
家在汀洲夢不迷髮白每慚清鑑啓酒醒長怯子規啼
北山高卧風騷客安得同吟復杖藜

贈雲陽縣裴明府

韋莊

南北二年一解携海爲溪谷岸爲谿已聞陳勝新降漢
誰謂田橫國號齊暴客至今猶戰鶴故人何處尚驅雞
歸來能作煙波伴我有魚舟在五溪

和同年韋學士華下途中見寄

綠楊城郭雨淒淒
過盡千輪與萬蹄
送我獨遊三蜀路
羨君新上九霄梯
馬驚門外山如活
花笑尊前客似泥
正是清和好時節
不堪離恨劍門西

江上逢故人

前年送我曲江西
紅杏園中醉似泥
今日逢君越溪上
杜鵑花發鷓鴣啼
來時舊里人誰在
別後滄波路幾迷
江畔玉樓多美酒
仲宣懷土莫淒淒

江臯贈別

金管多情恨解携
一聲曲罷客如泥
江亭繫馬綠楊短

野岸維舟春草齊
帝子夢寬烟水濶
謝公詩思碧雲低
風前不用頻揮手
我有家山白日西

春遊

秦韜玉

選勝逢君敘解携
思和芳草遠煙迷
小梅香裏黃鶯囀
垂柳陰中白馬嘶
春引美人歌遍熟
風牽公子酒旗低
早知有此關身事
悔不前年住越溪

再遊韋曲山寺

譚用之

鵲巖煙斷玉巢欹

鵲巖在南山

罨畫春塘太白低
馬踏翠開

垂柳寺人耕紅破
落花谿千年勝槩
咸原上幾代荒涼

繡嶺西

繡嶺卽驪山也

碧吐紅芳舊行處
豈堪回首草萋萋

春日期巢湖舊事

暖掠紅香燕燕飛五雲仙佩曉相携
花開鸚鵡韋郎曲竹亞虬龍白帝溪
富貴萬場歸紫酒是非千載逐芳泥
不知多少開元事露泣春叢向日低

晚次湘源縣

張泌

烟郭遙聞向晚雞水平舟靜浪聲齊
高林帶雨楊梅熟曲岸籠雲謝豹啼
二女廟荒汀樹老九疑山碧楚天低
湘南自古多離怨莫動哀吟易慘悽

城南

胡宿

昨夜輕陰結夕霏城南十里有香泥
初聞山鳥驚新哢

遙見林花識舊谿蕩槩遠從芳草渡壑巾還傍綠楊堤
羅敷正苦桑蠶事惆悵南來五馬蹄

趙宗道歸輦下

沿牒相逢楚水湄竹林文酒此攀嵇半羶未暖還傷別
一臂初交又解携江浦嘔啞風送櫓河橋勃窣柳垂堤
明年四月秦關到洗眼揚州看馬蹄

聞尚顏上人創居有寄

僧齊已

麓山南面橘洲西別構新齋與竹齊野客已聞將鶴贈
江僧未說有詩題窗臨杳靄雲千嶂枕徧潺湲月一溪
可想乍移吟榻處松陰冷濕壁新泥

送鄧王二十弟牧宣城

李後主

且維輕舸更遲遲
別酒重傾惜解携
浩浪侵愁光蕩漾
亂山凝恨色高低
君馳檣楫情何極
我凭闌干日向西
咫尺烟江幾多地
不須懷抱重淒淒

于采君俞校

玉堂才調集

佳九首

白居易 一首

李紳 一首

皮日休 二首

陸龜蒙 一首

李洞 一首

張蠙 一首

杜荀鶴 一首

廣宣 一首

育

音

...

一
背

火首

主堂下圖集

玉堂才調集

佳

酬皇甫郎中對菊花見憶

白居易

愛菊高人吟逸韻
悲秋病客感衰懷
黃花助興方携酒
紅葉添愁正滿階
居上輦腥今已斷
仙郎杯杓爲誰排
愧君相憶東籬下
擬廢重陽一日齋

舟中小飲便別牛相

李紳

笙歌罷曲辭賓侶
庭竹移陰就小齋
愁不解顏徒滿酌
病非傷肺爲憂懷
恥矜學步貽身患
豈慕醒狂躡禍階
從此別離長酩酊
洛陽狂狷任椎埋

醉中偶然作呈魯望

皮日休

谿雲澗鳥本吾儕剛爲浮名事事乖千里尋山爲思役
五更看月是情差分將吟詠華雙鬢力以壺觴固百骸
爭得草堂歸卧去共君同作太常齋

館娃宮懷古

艷骨已成蘭麝土宮牆依舊壓層崖弩臺雨壞逢金鏃
香徑泥銷露玉釵硯沼只畱溪鳥浴麋廊空信野花埋
姑蘇麋鹿真閒事須爲當時一愴懷

陸和結句云賴有
伍員騷思少吳王

纔免似
荆懷

次襲美醉中偶然韻

陸龜蒙

海鶴飄飄韻莫儕在公猶與俗情乖初呈酒務求專判
合禱山祠請自差永夜談玄侵罔象一生交態忘形骸
憐君醉墨風流甚幾度題詩小謝齋

贈入內供奉僧

李洞

內殿談經愜帝懷沃州歸隱計全乖數條雀尾來南海
一道蟬聲噪御街石枕紋含山裏葉銅餅口塞井中柴
因逢夏口西明講不覺宮人拔鳳釵

贈水軍都將

張蠡

平生爲有安邦術便別秋曹最上階戰艦却容儒客卧
公廳惟伴野僧齋裁詩榭迥水膠筆養藥堂深薜蘿鞋

直待門前見幢節始應高愜聖君懷

題宗上人舊院

杜荀鶴

此院重來事事乖半欹茅屋草侵堦
啄生鴉憶啼松栢接果猿思嘯石崖
壁上塵粘蒲葉扇牀前苔爛筍皮鞋
分明記得談空日不向秋風更愴懷

九月十五夜宿鄭綢東亭望月寄杜給事

廣宣

霜天晴夜宿東齋松竹交陰愜素懷
迥出風塵心得地可憐三五月當堦
春光滿院思情見寒色臨門笑語諧
霄漢路殊從道合往來人事不相乖

玉堂才調集

灰 一百五十三首

李嶠 一首

沈佺期 一首

李適 一首

宋之問 一首

武平一 二首

蘇頲 二首

張說 二首

賈曾 一首

孫逖 一首

李憺 一首

王維 一首

孟浩然 二首

崔曙 一首

杜甫 六首

錢起 二首

鮑防 一首

皇甫冉 一首

郎士元 一首

李益 一首

李端 一首

王建 四首

武元衡 一首

劉禹錫 四首

韓愈 一首

元稹 一首

白居易 七首

李紳 二首

徐凝 一首

賈島 四首

崔涯 一首

姚合 二首

周賀 一首

朱慶餘 一首

李商隱 五首

溫庭筠 三首

杜牧 一首

李遠一首

許渾八首

趙嘏二首

薛逢三首

薛能一首

劉滄五首

崔櫓一首

李郢二首

李頻一首

方干八首

李昌符一首

張喬一首

胡曾一首

章碣一首

皮日休一首

陸龜蒙三首

曹唐一首

鄭谷三首

崔塗一首

盧尚卿一首

杜荀鶴 一首

吳融 一首

韓偓 十首

曹松 一首

李中 二首

唐球 一首

韋莊 四首

黃滔 一首

秦韜玉 二首

羅隱 三首

羅鄴 二首

譚用之 一首

徐寅 三首

李建勳 一首

胡宿 一首

伍喬 一首

魚玄機 一首

玉堂才調集

灰

奉和初春幸太平公主南莊應制 李嶠

主家山第接雲開
天子春遊動地來
羽騎參差花外轉
霓旌搖曳日邊迴
還將石溜調琴曲
更取峯霞入酒杯
鸞輅已辭烏鵲渚
簫聲猶遶鳳凰臺

奉和立春遊苑迎春

沈佺期

東郊暫轉迎春仗
上苑初飛行慶杯
風射狐

一作蛟

冰千

片斷氣衝魚鑰九
關開林中覓草纔
生蕙殿裏爭花併
是梅歌吹隋恩歸
路晚棲鳥半下鳳
城來

中宗皇帝幸興慶池戲競渡應制 李 適

拂露金輿丹旆轉
凌晨黼帳碧池開
南山倒影從雲落
北澗搖光寫溜迴
急漿爭標排荇度
輕帆截浦觸荷來
橫汾燕鎬歡無極
歌舞年年聖壽杯

奉和春初幸太平公主南莊應制 宋之問

青門路接鳳凰臺
素澹宸遊龍騎來
澗草自迎香輦下

一作合

巖花應待御筵開
文移北斗成天象
酒近南山作

壽杯
此日侍臣將石去
共歡明主賜金迴

奉和立春日內出綵花樹

武平一

鑾輅青旗下
帝臺東郊上
苑望春來黃鶯未解林間轉

紅蕖先從殿裏開
畫閣條風初變柳
銀塘曲水半含苔
欣逢睿藻光韶律
更促霞觴畏景催

興慶池侍宴應制

鑾輿羽駕直城隈
帳殿旌門此地開
皎潔靈潭圖日月
參差畫舸結樓臺
波搖岸影隨橈轉
風送荷香入酒來
願奉聖情歡不極
長遊雲漢幾昭回

贈彭州權別駕

蘇頲

雙流脉脉錦城開
追餞年年往復迴
祇道歌謠迎半刺
徒聞禮數揖中台
黃鶯急轉春風盡
班馬長嘶落景催
莫愴分飛岐路別
還當奏鼙掖垣來

寒食宴于中舍別駕兄弟宅

子推山上歌龍罷定國門前結駟來始覩元昆鏘玉至
旋聞季子佩刀迴晴花處處因風起御柳條條向日開
自有長筵歡不極還將綵服咏南陔

舞馬千秋萬歲樂府詞

張說

遠聽明君愛逸才玉鞭金翅引龍媒不因茲白人間有
定是飛黃天上來影弄日華相照耀噴含雲色且徘徊
莫言闕下桃花舞別有河中蘭葉開

幽州新歲作

去歲荆南梅似雪今年薊北雪如梅共知人事何嘗定

且喜年華去復來
邊鎮戍歌連夜動
京城燎火徹明開
遙遙西向長安日
願上南山壽一杯

奉和春日出苑矚目應令

時爲太子舍人
使在東都作

賈曾

彤闈

一作
銅龍

曉闕問安迴
金輅春遊博望開
渭北晴光搖

草樹終南佳氣入
樓臺招賢已從商
山老托乘還徵鄴
下才臣在東周獨
畱滯忻逢睿藻日
邊來

和左司張員外自
雒使入京中路先
赴長安逢立

春日贈韋侍御及諸公

孫逖

忽見雲間數雁迴
更逢山上一花開
河邊淑氣迎芳草

林下輕風待落梅
秋憲府中高唱入
春卿署裏和歌來
共言東閣招賢地
自有西征作賦才

奉和聖製從蓬萊向興慶閣道中畱春雨中春望
之作應制
李 愷

別館春還淑氣催
三宮路轉鳳凰臺
雲飛北闕輕陰散
雨歇南山積翠來
御柳遙隨天仗發
林花不待曉風開
已知聖澤深無限
更喜年芳入睿才

和太常韋主簿五郎溫泉寓日

王 維

漢王離宮接露臺
秦川一半夕陽開
青山盡是朱旗繞
碧磧翻從玉殿來
新豐樹裏行人度
小苑城邊獵騎廻

聞道甘泉能獻賦，懸知獨有子雲才。

除夜有懷

孟浩然

五更鐘漏欲相催，四氣推遷往復迴。帳裏殘燈纔去

一作

猶有焰爐中香氣盡，成灰漸看春逼芙蓉枕。頓覺寒消竹

葉，盃守歲家家應未卧。相思那得夢魂來。

春情

青樓曉色珠簾映，紅粉春妝寶鏡催。已厭交歡憐枕席，
相將遊戲遶池臺。坐時衣帶縈纖草，行卽裙裾掃落梅。
更道明朝不當作，相期共闔管絃來。

九日登仙臺呈劉明府容

崔曙

漢文皇帝有高臺此日登臨曙色開三晉雲山皆北向
二陵風雨自東來關門令尹誰能識河上仙翁去不回
且欲近尋彭澤宰陶然共醉菊花杯

所思

杜甫

苦憶荊州醉司馬謫官尊酒定常開九江日落醒何處
一柱觀頭眠幾回可憐懷抱向人盡欲問平安無使來
故憑錦水將雙淚好過瞿塘灩澦堆

野老

坐老籬前江岸廻柴門不正逐江開漁人網集澄潭下
買客船隨返照來長路關心悲劍閣片雲何意傍琴臺

王師未報收東郡城闕秋生畫角哀

公自注得稱城闕趙次公云時成都

陞爲南京故公自注得稱城闕也

客至

舍南舍北皆春水但見羣鷗日日來
花徑不曾緣客掃蓬門今始爲君開
盤飧市遠無兼味尊酒家貧只舊醅
肯與鄰翁相對飲隔籬呼取盡餘杯

秋盡

秋盡東行且未回茆齋寄在少城隈
籬邊老却陶潛菊江上徒逢袁紹杯
雪嶺獨看西日落劍門猶阻北人來
不辭萬里常爲客懷抱何時得好開

九日

重陽獨酌杯中酒抱病起登江上臺竹葉于人既無分
菊花從此不須開殊方日落玄猿哭故國霜前白雁來
弟妹蕭條各何在干戈衰謝兩相催

登高

風急天高猿嘯哀渚清沙白鳥飛回無邊落木蕭蕭下
不盡長江滾滾來萬里悲秋長作客百年多病獨登臺
艱難苦恨繁霜鬢潦倒新亭濁酒杯

送嚴維尉河南

錢起

蕙葉青青花亂開少年趨府下蓬萊甘泉未厭楊雄賦

吏道何勞買誼才征陌獨愁飛蓋遠離筵只惜暝鐘催
欲知別後相思處願植瓊枝向柏臺

酬趙給事相尋不遇畱贈

誰憶顏生窮巷裏能勞馬跡破春苔忽看童子掃花處
始媿夕郎題鳳來斜景適隨詩興盡好風纔送珮聲回
豈無雞黍期他日惜此殘春阻綠盃

人日陪宣州范中丞與范侍御宴東峯亭

鮑防

人日春風綻早梅謝家兄弟看花來吳姬對客歌千曲
秦女畱人酒百杯絲柳向空輕宛轉玉山看日漸徘徊

流光易去歡難得莫厭頻頻上此臺

秋日東郊作

皇甫冉

閒看秋水心無事坐

一作臥

對寒松手自栽廬岳高僧畱

偶別茅山道士寄書來燕知社日辭巢去菊爲重陽冒

雨開淺薄將何稱獻納臨岐終日獨徘徊

一作遲迴

春日宴王補闕起城東別業

郎士元

柳陌乍隨洲勢轉桃源忽傍竹陰開能令瀑水清人境
直取流鶯送酒杯山下古松當綺席簷前片雨滴春苔
地主同聲復同舍畱連不畏夕陽催

過馬嵬

李益一李遠刻

金甲銀旌盡日回蒼茫羅袖隔風埃濃香猶自隨鸞輅

恨魄無由離馬嵬南內宮一作真人悲帳殿東溟方士問

蓬萊惟畱坡畔彎環月時送殘暉入帝一作夢臺

題雲際寺準上人房

李端

高僧居處似天台錫杖銅瓶對綠苔竹巷雨晴春鳥囀

山房日午老人來園中鹿過椒枝動潭底龍遊水沫開

獨夜焚香禮遺像空林月出始應迴

洛中張籍新居

王建

最是城中閒靜處更迴門向寺前開雲山且喜重重見

親故應須得得來借倩學生排藥合畱連處士乞松栽

自君移到無多日
牆上人名滿綠苔

華清宮感舊

塵到

一作聞道

朝元邊

一作天

使急千官夜發六龍迴輦前月

照羅衫

一作衣

淚馬上風吹蠟燭

一作炬

灰公主粧樓金鎖

澁貴妃湯殿玉蓮開
有時雲外聞天樂知

一作疑

是先皇

沐浴來

逍遙翁溪亭

逍遙翁在此徘徊
帝改溪名起石臺
車馬到春常借問
子孫因選暫歸來
稀疎野竹人移折
零落蕉花雨打開

無主青山何所直
賣供官稅不如灰

昭應李郎中見貽作次韻奉酬

窗戶風涼四面開
陶公愛晚土高臺
中庭不熱青山入
野水初晴白鳥來
精思道心緣境熟
粗疎文字和詩回
諸生圍遶新篇讀
玉闕仙官少此才

摩訶池宴

武元衡

摩訶池上春光早
愛水看花日日來
穠李雪開歌扇掩
綠楊風動舞腰迴
蕪臺事往空畱恨
金谷時危倍惜才
晝短欲將清夜繼
西園自有月徘徊

松滋渡望峽中

劉禹錫

渡頭輕雨灑寒梅
雲際溶溶雪水來
夢渚草長迷楚望

夷陵土黑有秦灰
巴人淚應猿聲落
蜀客船從鳥道迴
十二碧峯何處所
永安宮外是一作有荒臺

同樂天送河南馮尹學士之任

可憐五一作玉

馬風流地
蹇輟金貂侍
從才閣上掩書劉

向去門前修刺孔
融來

馮自館閣出爲河南尹用事甚精

嶠陵路靜寒

無雨維水橋長晝
起雷共美府中棠
棣好先於城外百
花開

酬樂天偶題酒甕見寄

是君勇斷拋名後
世路榮枯見幾回
門外紅塵人自走
甕頭清酒我初開
三冬學任胞中有
萬戶侯須骨上來

何幸相招同醉處洛陽城裏好池臺

裴相公大學士見示答張秘書謝馬詩并羣公屬

和因命追作

草玄門戶少塵埃丞相并州寄馬來初自塞垣銜苜蓿
忽行幽徑破莓苔尋花緩轡逶遲去帶酒垂鞭蹀躞回
不與王侯與詞客知輕富貴重清才

廣宣上人頻見過

韓愈

三十六旬長擾擾不衝風雨卽塵埃久慚朝士無裨補
空愧高僧數往來學道窮年何所得吟詩竟日未能迴
天寒古寺遊人少紅葉窗前有幾堆

以州宅夸於樂天

元稹

州城廻遶拂雲堆
鏡水嵇山滿眼來
四面常時對屏障
一家終日在樓臺
星河似向簷前落
鼓角驚從地底廻
我是玉皇香案吏
謫居猶得住蓬萊

贈皇甫庶子

白居易

何因散地共徘徊
人道君才我不才
騎少馬蹄生易蹶
用稀印鎖澀難開
妻知年老添衣絮
婢報天寒撥酒醅
更愧小胥諮拜表
單衫衝雪夜深來

五月齋戒罷宴徹
樂聞韋賓客
皇甫郎中飲會亦

稀又知欲携酒
饌出齋先以長句呈謝

妓房匣鏡滿紅埃。酒庫封瓶生綠苔。居士爾時緣護戒。
車公何事亦停杯。散齋香火今朝散。開素盤筵後日開。
隨意行還若莫怪。坐禪僧去飲徒來。

以詩代書寄戶部楊侍郎勸買東鄰王家宅

勸君買取東鄰宅。與我衡門相並開。雲映嵩峯當戶牖。
月和伊水入池臺。林園亦要聞閒置。筋力應須及健廻。
莫學因循白賓客。欲年六十始歸來。

送王十八歸山寄題仙遊寺

曾于太白峯前住。數到仙遊寺裏來。黑水澄時潭底出。
白雲破處洞門開。林間煖酒燒紅葉。石上題詩掃綠苔。

惆悵舊遊無復到菊花時節羨君廻

薔薇正開春酒初熟因招劉十九張大夫崔二十

四同飲

甕頭竹葉經春熟堦底薔薇入夏開似火淺深紅壓架
如飴氣味綠粘臺試將詩句相招去倘有風情或可來
明日早花應更好心期同醉卯時杯

和薛秀才尋梅花同飲見贈

忽驚林下發寒梅便試花前飲冷杯白馬走迎詩客去
紅筵鋪待舞人來歌聲怨處微微落酒氣醺時旋旋開
若到歲寒無雨雪猶應醉得兩三廻

劉蘇州寄釀酒糯米李浙東寄楊柳枝舞衫偶因
嘗酒試衫輒成長句寄謝之

柳枝謾踏試雙袖桑落初香嘗一杯金屑醅濃吳米釀
銀泥衫穩越娃裁舞時已覺愁眉展醉後仍教笑口開
慚愧故人憐寂寞三千里外寄歡來

江南暮春寄家

李紳

維陽城見梅迎雪魚口橋逢雪送梅劍水寺前芳草合
鏡湖亭上野花開江鴻斷續翻雲去海燕差池拂水回
料得心知寒食近潛聽喜鵲望歸來

滁陽春日懷果園閑宴

園中雜樹
多手植也

西園到日栽桃李紅白低枝拂酒杯繁艷只愁風處落
醉筵多就月中開勸人莫折憐芳早把燭頻看畏曉催
聞道數年淡草露幾株猶得近池臺

開元寺牡丹

徐凝

白樂天爲杭州刺史令訪牡丹獨開元寺僧惠
澄近自京師得之植于庭時春景方淡惠澄設
油幕覆其上徐凝自富春來未識樂天先題詩

云

此花南地知難種慚愧僧閒用意栽海燕解憐頻睥睨
胡蜂未識更徘徊虛生芍藥徒勞妬羞殺玫瑰不敢開

惟有數苞紅萼在含芳只待舍人來

送胡道士

賈 島

裋褐身披漬野苔
霽溪深處觀門開
却從城裏携琴去
許到山中寄藥來
臨水古壇秋醮罷
宿杉幽鳥夜飛回
丹梯願逐真人上
日日歸心白髮催

送羅少府歸牛渚

作尉長安始二日
忽思牛渚夢天台
楚山遠色獨歸去
灞水空流相送回
霜覆鶴身松子落
月分螢影石房開
白雲多處應頻到
寒澗泠泠漱古苔

田將軍書院

滿庭花木半新栽石自平湖遠岸來
筍迸鄰家還長竹地經山雨幾層苔
井當深夜泉微上閣入高秋戶盡開
行背曲江誰到此琴書鎖著未朝廻

題虢州吳郎中三堂

無窮草樹昔誰栽新起臨湖白石臺
半岸沙泥孤鶴

一作

雁立三堂風雨四門開荷翻團露驚秋近
柳轉斜陽過水來昨夜北樓堪朗詠
虢城初鎖月徘徊

竹

崔涯

領得溪風不放廻傍窗緣砌遍庭栽
須招野客爲鄰住看引山禽入郭來
幽院獨驚秋氣早小門深向綠陰開

誰憐翠色兼寒影靜落茶甌與酒盃

和劉禹錫主客冬初拜表懷上都故人

姚合

九陌喧喧騎吏催百官拜表禁城開
林疎曉日明紅葉塵靜寒霜覆綠苔
玉珮聲微班始定金函光動按初來
此時共想朝天路

一作客

謝食方從閣裏迴

迎春

半年畱醉待花開曉去迎春夜始迴
風煖慢行尋曲水天晴遠望立高臺
亦知無處將詩請惟得終朝把酒催
今日柳條全弄色遊人相伴看春來

同徐處士秋懷少室舊居

周賀

曾居少室黃河畔秋夢長懸未得回扶病半年離水石
思歸一夜隔風雷荒齋幾遇僧眠後晚菊頻經鹿踏來
燈下此心誰共說傍松幽徑已多栽

一作苦

與龐復言携酒望洞庭

朱慶餘

南湖春色通平遠貪記詩情忘酒盃帆自巴陵山下過
雨從神女峽邊來青蒲映水疎還密白鳥翻空去復回
盡日與君同看望了然勝見畫屏開

中元作

李商隱

絳節飄飄空一作宮國來中元朝拜上清回羊權雖得金

條脫溫嶠終虛玉鏡臺曾省驚眠聞雨過不知迷路爲
花開有娥未抵瀛洲遠青雀如何鴉鳥媒

可歎

幸會東城宴未回年華憂共水相催梁家宅裏秦宮入
趙后樓中赤鳳來冰簾且眠金縷枕瓊筵不醉玉交杯
宓妃愁坐芝田館用盡陳王八斗才

隋宮守歲

消息東郊木帝迴宮中行樂有新梅沉香夾煎爲庭燎
玉液瓊蘇作壽杯遙望露盤疑是月遠聞鼙鼓欲驚雷
昭陽第一傾城客不踏金蓮不肯來

正月崇讓宅

十四

密鎖重關掩綠苔
廊深閣迥此徘徊
先知風起月含暈
尚自露寒花未開
蝙蝠拂簾旌
終展轉
鼠翻窗網小
驚猜
背燈獨共餘香語
不覺猶歌夜起

一作柳惲起夜來
起夜來曲颯颯秋桂

響悲君

起夜來

南朝

玄武湖中玉漏催
雞鳴埭口繡襦迴
誰言瓊樹朝朝見
不及金蓮步步來
敵國軍營漂木枿
前朝神廟鎖烟煤
滿宮學士皆顏色
江令當年只費才

寄清源寺僧

溫庭筠

石路無塵竹徑開昔年曾伴戴顓來窗間半偈聞鐘後
松下殘棋送客迴簾向玉峯藏夜雪砌因藍水長秋苔
白蓮社裏如相問爲說遊人是姓雷

送盧生遊吳越

羨君東去見殘梅惟有王孫獨未迴吳苑夕陽明古堞
越宮春草上高臺波生野渚雁初下風滿驛樓潮欲來
試逐漁舟看雪浪幾多江燕荇花開

題西平王舊賜屏風

曾向金屏玉砌來百花鮮濕隔塵埃披香殿下櫻桃熟
結綺樓前芍藥開朱鷺已隨新鹵簿黃鸝猶識舊池臺

世間剛有東流水一送恩波更不廻

早雁

杜牧

金河秋半

絃開雲外

一作際

驚飛四散哀仙掌月明孤

影過長門燈暗數聲來須知

騎紛紛在豈逐春風一

一迴莫厭瀟湘少人處水多菰米岸莓苔

聽話叢臺

詩法注云叢臺在磁州東北二里趙武靈王所築屬邯鄲縣

李遠

有客新從趙地回自言曾上古聚臺雲遮襄國天邊去

樹遶漳河地裏

一作掌上

來絃管變成山鳥哢綺羅畱作野

花開金輿玉輦無蹤跡風雨惟知長碧苔

凌敲臺

當塗縣西宋高祖策今太平府

許渾

宋祖凌歊樂未回三千歌舞宿層臺
湘潭雲盡暮山出巴蜀雪消春水來
行殿有基荒薺合寢園無主野棠開
百年便一作應作萬年計岳畔古碑空綠苔

冬日登越王臺懷歸

月沉高岫宿雲開萬里歸心獨上來
河畔雪飛楊子宅海邊花盛越王臺
瀧分桂嶺魚難過瘴近衡峯雁却回
鄉信漸稀人漸老只應頻看北枝梅

遊錢塘青山李隱居西齋

小隱西亭爲客開翠蘿深處徧蒼苔
林間掃石安棋局

三
下
言
集
六
岩下分泉遶酒盃
蘭葉露光秋月上
蘆花風起夜潮來
雲山遶屋猶嫌淺
欲棹漁舟近釣臺

傷湖州李郎中

政成身沒共興哀
鄉路兵戈旅櫬迴
城上暮雲凝鼓角
海邊春草閉池臺
經年未葬佳人散
昨夜因齋故吏來
南北相逢皆掩泣
白蘋洲煖一花開

潁州從事西湖亭讌餞

蘇軾

西湖清讌不知回
一曲離歌酒一杯
城帶夕陽聞鼓角
寺臨秋水見樓臺
蘭堂客散蟬猶噪
桂楫人稀鳥自來
獨想征車過鞏洛
此中霜菊遶潭開

題四皓廟

桂香松暖廟門開，獨瀉椒漿奠一杯。
秦法未興鴻已去，漢儲將廢鳳還來。
紫芝翳翳多青草，白石蒼蒼半綠苔。
山下驛塵南竄路，不知冠蓋幾人迴。

晨起白雲樓寄龍興江準上人兼呈竇秀才

秀才方自

竟陵

回

茲樓今是望鄉臺，鄉信全稀曉雁哀。
山翠萬重當檻出，水華千里抱城來。
東岩月在僧初定，一作起南浦花殘客已回。
欲弔靈均能去否，秋風還有木蘭開。

湖南徐明府余之南隣久不還家因題林館

湖南官滿不歸來高閣經年掩綠苔魚溢池塘秋雨過
鳥還洲島暮雲回堦前石穩棋終局窗外山高酒滿盃
借問先生在不處遶籬疎菊又花開

早出洞仙觀

趙嘏

露濃如水灑蒼苔洞口烟蘿密不開殘月色低當戶歛
曉鐘聲迥隔山來春生藥圃芝猶短夜醮齋壇鶴未迴
愁是獨尋歸去路人間步步是塵埃

越中寺居寄上元主人

野外初容訪靜來晚晴江上見樓臺中林有路到花盡
一日無人看竹迴自曬詩書經雨後別畱門戶爲僧開

苦心若是酬恩 不敢吟春憶酒盃

宣政殿前陪位觀冊 憲宗皇帝尊號

薛逢

樓頭鐘鼓遞相催 曙色當衙曉仗開
孔雀扇分香案出 衮龍衣動冊函來
金泥照耀傳中旨 玉節從容引上台
盛禮永尊徽號畢 聖慈南面不勝哀

潼關驛亭

河上關門日日開 古今名利旋堪哀
終軍壯節埋黃土 楊震豐碑翳綠苔
寸祿應知霑有分 一官常懼處非才
猶驚往歲同袍者 尚逐江東計吏來

冬日田家

南村晴雪北村梅樹裏
茅簷曉盡開蠻 出門兒婦去
鳥飛迎路女郎來相逢但說新正壽對舉
那愁暮景催 長笑士林因宦別一官輕是十年回

漢南春望

薛能

獨尋春色上高臺三月皇州駕未迴
幾處松筠燒後死 誰家桃李亂中開
姦邪用法原非法唱和求才不是才
自古浮雲蔽白日洗天風雨幾時來

江行書事

劉滄

遠渚蒹葭覆綠苔姑蘇南望思徘徊
空江獨樹楚山背

暮雨孤舟吳苑來人度
淅秋風葉落鳥飛殘
照水烟開
寒潮欲上之蘋藻
寄薦三閭情自哀

晚秋野望

秋盡郊原情自哀
菊花寂寞晚仍開
高風疎葉帶霜落
一雁寒聲背水來
荒壘幾年經戰後
故山終日望書回
歸途休問從前事
獨唱勞歌醉數杯

長洲懷古

野燒空原盡荻灰
吳王此地有樓臺
千年事往人何在
半夜月明潮自來
白鳥影從江樹沒
清猿聲入楚雲哀
停車日晚薦蘋藻
風靜寒塘花正開

秋夕山齋卽事

衡門無事閉蒼苔
籬下蕭疎野菊開
半夜秋風江色動
滿山寒葉雨聲來
雁飛關塞霜初落
書寄鄉閭人未迴
獨坐高窗此時節
一彈瑤瑟自成哀

贈道者

真趣淡然居物外
忘機多是隱天台
停燈瀝夜看仙籙
拂石高秋坐釣臺
賣藥故人湘水別
入簷棲鳥舊山來
無因朝市知名姓
地僻衡門對嶽開

春日卽事

崔櫓

一百五日又欲來
梨花梅花參差開
行人自笑不歸去

瘦馬獨吟真可哀
杏酪漸香鄰舍粥

穀中記云寒食煮粳米及麥爲酪搗

杏仁煮作粥

榆烟將變舊爐灰
畫樓春暖清歌夜
肯信愁腸

日九迴

重陽日寄浙東諸從事

李郢

埜人多病門長掩
荒圃重陽菊自開
愁裏又聞清笛怨
望中難見白衣來
元瑜正及從軍樂
甯戚誰憐叩角哀
紅旆紛紛碧江暮
知君醉下望鄉臺

奉陪裴相公重陽日遊安樂池亭

絳霄輕靄翊三台
嵒情懷管樂才
蓮沼昔爲王儉府
菊籬今作孟嘉杯
寧知北闕元勛在
却引東山舊客來

自笑吐茵還酩酊日斜空從絳衣迴

題司馬別墅

李頻

庭前樹盡手中栽先後花分幾番開
巢鳥戀雛驚不起野人思酒去還來
自拋官與青山近誰料身爲白髮催
門外尋常行樂處重重履跡在莓苔

再題路支使南亭

方干

行處避松兼礙石卽須門徑落斜開
愛邀舊友看漁釣貪聽新禽駐酒杯
樹影不隨明月去溪聲常送落花來
睡時分得江淹夢五色毫端弄逸才

題睦州郡中千峯榭

豈知平地似天台朱戶深沉別徑開
曳響露蟬穿樹去斜行沙鳥向池來
窗中早月當琴榻牆上秋山人酒杯
何事此中如世外應緣羊祜是仙才

題越州袁秀才林亭

清邃林亭指畫開幽巖別派象天台
坐牽蕉葉題詩句醉觸籐花落酒杯
白鳥不歸山裏去紅鱗多自鏡中來
終年此地爲吟侶早起尋君薄暮回

廢宅

主人何處獨徘徊流水自流花自開
若見故交皆散去卽應新燕不歸來
入門繚繞穿荒竹坐石逡巡染綠苔

應是曾經惡風雨修桐半折損琴材

又云舊徑已知無
孟竹前溪應不浸

荀星

贈天台葉尊師

莫見平湖離少室須知薄暮入天台
常時愛縮山川去有夜自携星月來
靄藥不知何代得古松應是長年栽
先生暗笑觀棋者半局棋邊白髮催

雪中寄薛郎中

野禽未覺巢枝仄
群子先憂逕竹摧
半夜忽明非月午
前庭旋釋被春催
碎花若入樽中去
清氣應歸筆底來
淡擁紅鑪聽仙樂
忍教愁坐畫寒灰

題盛令新亭

舉目豈知新智慧存思便是小天台偶嘗嘉果求枝去
因問名花寄種來春物誘才歸健筆夜歌牽醉入叢杯
此中難遇逍遙事計日應爲印綬催

感時

日烏往返無休息朝出扶桑暮却回夜雨旋驅殘熱去
江風吹送早寒來纔憐飲處飛花片又是書邊聚雪堆
莫若少年欺白首須臾還被去相催

南潭

李昌符

匝岸青蕪掩古苔面山亭樹枕潭開有時絃管收筵促

無數鳬鷺逆浪來路入龍祠羣木老風驚魚艇一聲回
人傳郭惲曾遊此誰見當初泛玉杯

題宣州開元寺閣

張喬

誰家烟徑長莓苔金碧虛欄竹上開流水遠分山色斷
清猿時帶角聲來六朝明月惟詩在三楚空山有雁迴
達理始應盡惆悵僧閒應得話天台

獨不見

胡曾

玉關一日有氛埃年少從軍竟未迴門外塵凝張樂榭
水邊香滅按歌臺窗殘夜月人何處簾捲春風燕復來
萬里寂寥音信斷寸心爭忍不成灰

陪浙西王侍郎夜讌

章碣

深鎖雷門讌上才
旋看歌舞旋傳杯
黃金鸚鵡當筵睡
紅錦薔薇映燭開
稽嶺好風吹玉珮
鏡湖殘月照樓臺
小儒末座頻傾耳
祇恐城頭畫角催

宿報恩寺水閣

皮日休

寺鎖雙峯寂不開
幽人中夜獨徘徊
池文帶月鋪金簾
蓮朶含風動玉杯
往往竹梢搖翡翠
時時杉子擲莓苔
可憐此際誰曾見
唯有支公盡看來

和襲美寄毘陵處士魏朴

陸龜蒙

經苑方成墨沼開
何人林下肯尋來
若非宗測圖山後

卽是韓康賣藥回溪瀨自吟朱鷺曲沙雲還作白鷗媒
惟應地主公田熟時送君家麴蘖材

送潤卿博士還華陽

何事輕舟近臘回茅君兄弟欲歸來封題玉洞虛無奏
點檢霜壇沆瀣杯雲肆先生分氣調山圖公子愛詞才
殷勤爲向東卿薦灑掃含真雪後臺

幽居有白菊一叢因而成詠呈一二知己

還是延年一種材

菊之別名

卽將瑤朶冒霜開不知紅艷臨

歌扇欲伴黃英入酒盃陶令接羅堪岸著梁王高屋好

欵來

梁朝有白紗高屋冒

月中若有閒田地爲勸嫦娥作意栽

送康祭酒赴輪臺

曹唐

漸水橋邊酒一杯送君千里赴輪臺
霜黏海眼旗聲凍
風射犀文甲縫開斷磧簇烟山似米
野營軒地鼓如雷
分明會得將軍意不斬樓蘭不擬迴

南遊云政思碧樹關心句難放紅螺

蘸甲杯

羨陂

鄭谷

昔事東流共不回春深獨向羨陂來
山前別業依稀在
雨裏梨花寂寞開却展漁絲無野艇
舊題詩句沒蒼苔
潛然四顧難消遣祇有佯狂泥酒杯

寄贈楊夔處士

王荅元詩集
結茅祇約釣魚臺
濺水鷗鷺去又回
春卧甕邊聽酒熟
露吟庭際待花開
吳江勝景遨遊遍
百氏羣書講貫來
國步未安風雅薄
可能高尚揆天才

弔故禮部韋員外序

臘雪初晴共舉盃
便期携手上春臺
高情惟怕酒不滿
長慟可悲花正開
曉奠鶯啼殘漏在
風幃燕覓舊巢來
杜陵芳草年年綠
醉魄吟魂無復迴

和進士張曙聞雁見寄

崔塗

斷行哀響遞相催
爭趁高秋作恨媒
雲外關山聞獨去
渡頭風雨見初來
也知榆塞寒須別
莫戀蘋汀暖不迴

試向富春江畔過故園猶合有池臺

鸚鵡洲卽事

悵望春襟鬱未開重吟

一作臨

鸚鵡益堪哀曹瞞尚不能

容物黃祖何因反

一作曾解

愛才幽島暖聞燕雁去曉江晴

覺蜀波來誰人正得風濤便一點輕帆萬里迴

東歸

盧尚卿

九重丹詔下塵埃淡鎖文闈罷選才桂樹放教遮月長
杏園終待隔年開自從玉帳論兵後不許金門諫獵來
今日灞陵橋上過門人應笑臘前回

李昭象云與二三同人見訪有寄 杜荀鶴

得君書後病顏開云拉同人訪我來在路不妨衝雨雪
到山還免踏塵埃吟沉水閣何宵月坐破松巖幾處苔
貧舍欸賓無別物止于空戰大尊罍

重陽日荊州作

吳融

萬里投荒已自哀高秋寓目更徘徊濁醪任冷難辭醉
黃菊因暄却未開上國莫歸戎馬亂故人何在塞鴻來
驚時感事俱無奈不待殘陽下楚臺

途中經野塘

韓偓

世亂他鄉見落梅野塘晴煖獨徘徊船衝水鳥飛還止
袖拂楊花去又來季重舊遊多喪逝子山新賦極悲哀

眼看朝市爲陵谷始信昆明有劫灰

半醉

水向東流更不迴紅顏白髮遞相催壯心暗逐高歌盡
往事空成一作都因半醉來雲護雁霜籠淡月雨連鶯曉落
殘梅西樓悵望芳菲節處處斜陽草似苔

午睡夢曲江兄弟

長夏居閒門不開遶門青槿一作草絕塵埃空庭日午獨

眠覺旅夢天涯相見迴髻向此時應有雪心從別後一作到
處即成灰如何水陸三千里幾月書郵始一來

欲明

欲明籬被風吹倒過午門因客到開忍苦可能遭鬼笑
息機應免致鷗猜嶽僧乞新詩去酒保頻徵舊債來
惟有狂吟與沉飲時時猶自觸靈臺

登塔

無奈離腸日九迴強攄懷抱上高臺中華地向城邊盡
外國雲從島上來四序有花長見雨一冬無雪却聞雷
南宮紫氣生冠蓋試望扶桑病眼開

驛步

暫息征車病眼開况穿松竹入樓臺江流燈影向東去
樹遶雨聲從北來物近劉輿招垢膩風經庾亮汚塵埃

高情自古多惆悵
賴有南華養不才

疎雨

疎雨從東送疾雷
小庭涼氣淨莓苔
卷簾燕子穿人去
洗研魚兒觸手來
但欲進賢求上賞
惟將拯溺作良媒
戎衣一掛清天下
傳野非無濟世才

溪村

甘老溪村固不材
猶勝摧折傍塵埃
清宵玩月惟紅葉
永日關門但綠苔
幽院菊荒同寂寞
野橋僧去獨徘徊
隔籬農叟遙相賀
膏雨來

席上有贈

三
言
集
卷
七
矜嚴標格絕嫌猜
嗔怒難逢笑靨開
小雁斜侵眉柳去
媚霞橫接眼波來
鬢垂香頸雲遮藕
粉著蘭胸雪壓梅
莫道風流無宋玉
好將心力侍粧臺

老將

折鎗老馬倦塵埃
掩耳兇徒怕疾雷
雪窖酒酣偷號去
月明衣冷斫營回
行驅貔虎披金甲
立聽笙歌擲玉杯
坐久不須輕雙鑠
至今雙劈硬弓開

南海旅次

曹松

憶歸休上越王臺
歸思臨高不易裁
爲客正當無雁處
故園誰道有書來
城頭蚤角吹霜盡
郭外殘潮帶月迴

心似百花開

一作開

未得年年爭發被春催

海上從事秋日書懷

李中

悠悠旅宦役塵埃
舊業那堪信未迴
千里夢隨殘月斷
一聲蟬送早秋來
壺傾濁酒終難醉
匣鎖青萍久不開
惟有搜吟遣懷抱
涼風時復上高臺

贈胸山孫明府

縣庭無事似山齋
滿砌青青旋長苔
閒撫素琴曹吏散
自烹新茗海僧來
買將病雀勞心養
移得閒花用意栽
幾度訪君畱我醉
甕香皆值酒新開

題李少府別業

唐球

尋得仙家不姓梅
馬嘶人語出塵埃
竹和庭上春烟動
花帶溪頭曉露開
繞岸白雲終日在
傍松黃鶴有人來
何年亦作圍棋伴
一到松間醉一迴

對雨獨酌

韋莊

榴花新釀綠於苔
對雨閒傾滿滿盃
荷鍾醉翁真達者
卧雲逋客竟悠哉
能詩豈是經時策
愛酒元非命世才
門外綠蘿連洞口
馬嘶應是步兵來

銅儀

銅儀一夜變葭灰
煖律還吹嶺上梅
已喜漢官今再覲
更驚堯曆又重開
窗中遠岫青如黛
門外長江綠似苔

誰念閉關張仲蔚滿庭春雨長蒿萊

含香

含香高步已難陪鶴到清霄勢未迴遇物旋添芳草可
逢春寧滯碧雲才微紅幾處花心吐嫩綠誰家柳眼開
却去金鑾爲近侍便辭鷗鳥不歸來

章江作

杜陵歸客正徘徊玉笛誰家叫落梅之子棹從天外去
故人書自日邊來楊花漫惹霏霏雨竹葉閒傾滿滿杯
欲問維揚舊風月一江紅樹亂猿哀

寄蔣先輩

在蘇州

黃滔

夫差宮苑悉蒼苔
携客朝遊夜未回
塚上題詩蘇小見
江頭酌酒伍員來
秋風急處烟花落
明月中時水寺開
千載三吳有高跡
虎丘山翠益崔嵬

亭臺

秦韜玉

雕楹累棟架崔嵬
院宇生烟次第開
爲向西窗添月色
豈辭南海取花栽
意將畫地成幽沼
勢擬驅山近小臺
清境漸深官轉重
春時長是別人來

釣翁

一竿青竹老江隈
荷葉衣裳自剪裁
潭曲靜縣絲影直
風高斜颭浪紋開
朝携輕棹穿雲去
暮背寒塘戴月回

世上無窮嶮巇事算應難入釣船來

曲江春感

羅隱

江頭日煖花又開江東行客心悠哉高陽酒徒半凋落
終南山色空崔嵬聖代也知無棄物侯門未必用非才
滿船明月一竿竹家住五湖歸去來

早春送張坤歸大梁

蕭蕭羸馬正塵埃又送歸軒向吹臺別酒莫辭今夜醉
故人知是幾時迴泉經華岳猶應凍花到梁園始合開
爲謝東門抱關吏不堪惆悵滿離杯

遊江夏口

醉別江東酒一杯
往年曾此駐塵埃
魚聽建業歌聲過
水看瞿塘雪影來
黃祖不能容賦客
費禕終是負仙才
平生膽氣平生恨
今日江邊首懶迴

鴛鴦

羅鄴

紅闌碧霽瑞烟開
錦翅雙飛去又回
一種鳥憐名字好
盡一作都緣人恨別離來
煖依牛渚汀
莎媚夕宿龍池
禁漏催相對
若教春女見
便須携向鳳凰臺

洛陽春望

洛陽春霽絕塵埃
嵩少烟嵐畫障開
草色花光惹襟袖
簫聲歌響隔樓臺
人心便覺閑多少
馬足方知倦往來

愁上中橋橋上望碧波東去夕陽催

寄王侍御

譚用之

烏盡弓藏良可哀誰知歸釣子陵臺鍊多不信黃金耗
吟苦須驚白髮催喘月吳牛知夜至嘶風代馬識秋來
燕歌別後休惆悵黍已成畦菊已開

題名琉璃院

今改名景祥

徐寅

一條溪遶翠岩隈行脚僧言勝五臺農罷樹陰黃犢臥
齋時山下白衣來松多往日門人種路是前朝釋子開
三卷貝多金粟語可能長誦免輪迴

司直巡官無諸移到玫瑰花

芳菲移自越王臺，最似薔薇好並栽。
穠艷盡憐勝綵繪，三春誰贈作玫瑰。
春成錦繡風吹折，天染瓊瑤日照開。
爲報朱衣早邀客，莫教零落委蒼苔。

白酒兩瓶送崔侍御

雪化霜融好潑醅，滿壺冰凍向春開。
求從白石洞中得，携向百花巖畔來。
幾夕露珠寒貝齒，一泓銀水冷瓊杯。
湖邊送與崔夫子，誰見稽山盡日頽。

春雪

李建勳

南國春寒朔氣迴，霏霏還阻百花開。
全移煖律何方去，似悞新鶯昨日來。
平野旋消難蔽草，遠林高綴却遮梅。

不知金勒誰家去只待晴明賞帝臺

冲虛觀

胡宿

五粒青松護翠苔石門岑寂斷纖埃水浮花片知仙路
鳳迤鸞聲認嘯臺桐井曉寒千乳歛茗園春嫩一旗開
馳烟未勒山亭字可是英靈許再來

僻居謝何明府見訪

伍喬

公退琴堂動逸懷閒披烟靄訪微才馬嘶窮巷蛙聲息
轍到衡門草色開風引柳花當坐起日將林影入庭來
滿齋塵土一床蘚多謝從容水

一作小

飯回

夏日山居

魚玄機

移得仙居此地來
花叢自遍不曾栽
庭前亞樹張衣桁
坐上新泉泛酒杯
軒檻暗傳潑竹逕
綺羅長擁亂書堆
閑乘書舫吟明月
信任輕風吹却回

于星煒司南

同校

于星燾壽丞



